



ル 5  
3048  
17



門 儿 6  
號 3001  
卷 17

門 儿 6  
號 2301  
卷 17

門 儿 5  
號 3048  
卷 17

崑新兩縣續修合志卷三十七

列女

義烈

國朝

○俞氏葛冑妾名珏有殊色乙酉城破投河不死俘入丁將營不櫛不醜與新衣不受丁怒臨以刃不動會丁將妻欲留侍其女得釋挈至京師終日蓬首垢面工部侍郎李迎駿與丁為中表兄弟談及破崑事及氏李與冑有舊因乞為養女以歸李妻慰之手為之沐枯萍猶滿髮而姿容四耀因顧謂侍女曰此豈塵盆能抑者耶當索葛君授之冑適至燕遂歸於邸

昭和九年  
六月十八日  
碑

○任氏

失其夫姓

順治二年死節於澱山湖寇

○張氏陳廷瑋妻名前年十九嫁家貧訓蒙弗能給氏佐以女紅未幾廷瑋死氏痛絕勺飲不入口父君珩戒之曰吾惟生汝汝死吾何依氏飲泣日歎薄糜數匙未一月晨起哭告父曰兒不能復事父矣所紡餘資可備棺衾需願父割慈自愛乃檢廷瑋所讀書作枕曰持此以慰吾夫遂臥而死康熙六年事

○陳氏甫里曹萬應妻萬應落拓嗜酒氏數規之不從會省親歸聞家中火作亟同女僕趨歸左右顧弗見萬應號哭奔入烈焰負萬應尸以出口紅若炭氏欲偕焚從者持之乃止嘔心踊擗遂病膈終身

○毛氏邵應妾應卒氏以年少遣歸其兄別議婚挾氏登舟氏躍入水兄挽出之以首觸舷誓死不從歸於邵成疾卒年二十二

○張氏鍾山英妻居尚明澱十九歲嫁逾年夫亡無子哀慟絕粒親戚百端勸之不應至七日不死遂縊衣皆縫紉不可解邑令程大復旌之

○蘇氏方肇業妻庠生式女曉詩書肇業易簪時命氏必嫁親戚亦曰兒女俱無將誰守氏恚甚殮畢卽自經

○某氏方琴妻琴死旣殮忽謂姑曰新婦不能長事姑姑其奈何姑意氏有二志泣然曰吾尚能自謀不汝強也氏遂入寢所久不出姑怪而覘之縊死矣

○王蘭香生而姣好已許字某康熙丁亥歲饑父質女於林姓為從媵林壻金某悅其美挑之女正色曰我良家女幼受人聘父迫於貧故至此奈何以非禮加乎一夕方寢金突入調之力拒得脫遂自盡其父訴於令令往驗金子方狡飾金母忽若有所憑者奔而前曰是吾子強玷不從而殞也令已有成言但薄責金子而已

○張氏監生錢宏聲妻大復從孫女家素饒一夕盜二十餘入室氏匿夫抗盜袒背受炙卒不言夫處痿廢八年而卒  
○陳氏顧素涵妻二十一歲嫁夫亡既殮有小叔謂母曰嫂得毋再嫁乎氏聞大慟遂縊死

○趙烈女許字唐立期未婚立期病死女聞訃潛自經死

年二十三唐姓迎樞與夫合葬康熙五十四年事

○陶氏王三顧妻三顧病立兄子為嗣既卒父母欲嫁之

氏誓死不從清明節設奠夫筵痛哭與子訣至夜分自縊去夫卒距四十九日縣令遣吏致奠

○馬氏王是臣妻居千墩里夫亡有惡少挑之弗從蜚語污讟氏縊死

○胡氏縣役邱文正妻康熙十一年文正卒氏誓死守節夫兄逼改嫁不從乃潛許諸生某謂某也士可以動之密約半夜來娶氏見家人偶語疑之詢得實伴不知抵暮投井死族姪溶時為立傳

○李氏張仲卿妻居落霞浜家貧守志族人強之他適自

經死

邑合杭允佳給匾曰水霜凜操

○張烈女父儀敬許字沈若濤年十六未婚若濤死稟父命奔喪悉焚所製衣裙衰麻而往哭拜如禮既乃謂舅姑曰本不欲歸老母在堂不歸無以慰其心婦死之日葬同穴勿渝也歸七日縊死乾隆四年旌

○顧氏馬志和妻諸生周翰女乾隆十五年志和卒氏曰人有不可死者三親老無他子女一也子嗣小二也有遺腹三也我皆無是遂投井死

○程氏棗溪黃堂妻堂卒氏方妊生子不育以五歲姪為子會姑歿婢妾利其去構釁於舅將逼之嫁遂自縊死  
○劉氏馮又京妻甫里萬珍女生子而又京卒氏曰吾所

不能割者藐孤耳未幾子殤遂闔戶服衰經縊死時乾

隆丁丑五月十五日距夫歿不四月年三十五督學李因培旌

日志賈同穴按棗溪感舊集載馮烈婦某氏淞南人詩有天教一死植三綱句其事無攷附見於此

○周氏趙雲客妻璐傳女大墅村人嫁未二年雲客病瘵死無子翁姑諷改適氏哀惋自經死事在乾隆丁丑年

○賈烈婦鄒正言坊作鶴翼妻乾隆二十年旌

○何氏陳州守傅星子監生徐家鼎繼妻黎平通判山陰裕理女少失父母及笄歸家鼎家鼎負才不遇客浙中病卒先是氏外祖家南陵憐氏獨居招之往聞夫死悲痛不食夜以繡剪刺喉死遺書一紙自陳死志乞舅氏劉開兆撫孤合葬時乾隆癸卯年甫二十五開兆成其

志撫遺孤寶翰成立遊庠邑人杜綱爲作傳

由南陵縣題旌

○顧氏煥章女沈璵字廷瑚妻年二十三寡無子哀慟誓

必死拜別翁姑言有兩叔侍養媳婦可死翁姑勸慰執

志不移殮夫甫七日自經死時乾隆甲辰正月十三日

○李烈女賽兒虞城主簿元震孫女父寅生贅維揚鹽賈

許姓遂以女締姻許氏子後寅生浪遊無耗家亦落母

絕許姻挈女歸崑依大母徐氏以居年十七媒媪求婚

徐不知有絕姻事允之女違遽登樓以厨刀自剄死

○祁烈婦麟章媳居崑山縣後街夫亡投井死邑孝廉顧

鼎臨終時爲立傳表之惜已佚

○張秀姐農家女幼許字張巷楊姓時年十七夫痘殤秀

姐聞訃廢寢食者累日竟投河死

○朱氏新涇人楊莊涇周氏養媳翁蘭賓死夫某病臆未

婚家貧女力作以給姑欲更嫁之遣子諭意女方刈麥

田間第云君可先歸夫去女卽投水死嘉慶八年事

○顧氏傅永茂妻居小新塘年二十三而嫠無子遺一女

與姑蔡紡織自給偶晨起出汲有屠夫王朝生調之不

從掠其簪而去氏憤甚訴諸姑遂自經姑鳴之官置朝

生於法

嘉慶十七年旌

○王氏劉瑞祥繼妻居南街製香爲業嘉慶己卯四月夫

病死家貧無子氏慟哭誓殉舅姑不加察弗爲防也殮

夫畢卽閉戶自經死年二十二

○宋氏沈殿華妾年二十八夫病篤謂氏曰汝年少無子宜速改適歿後氏吞金環不死乃自經而絕道光朝旌

○陳氏烈婦茜墩鎮人煥文女季徵林妻嫁未期年夫卒氏年二十一欲身殉舅廷賢止之無何舅又歿姑行不

檢父迎氏歸居數年父又歿姑日遣說令改家婦堅不可姑怒誣以蜚語喉里中無賴強逼之肆戾無所不至

婦投繯自盡時道光二十一年四月十八日氏年三十有三學憲涇陽張芾給節表貞珉額

○陳氏曹萬英妻 李氏朱辰路妻右俱道光二十八年旌

○葛烈女監生正誼女明太常卿錫蟠五世孫女乾隆二年三月隨兄金書僑居郡城夜半過沙河遇盜蜂集劫

掠一空將犯女女解佩刀自刎死年十七咸豐二年蘇州知府鍾殿選檄縣造主送祀郡城節烈祠

○薛氏姚大觀妻 張氏薛鳴球妻 張氏周椿繼妻右咸豐四年旌

○徐烈婦蓬閭鎮人李向初女年二十四適嘉定徐欽南欽南業懋遷寓居蓬閭鎮越五載病卒烈婦投繯以殉

時年二十九咸豐壬子四月四日也同里唐彥槐上其事以旌之並徵詩文表揚婁東錢寶琛為誄學使給貞烈行額

○陸氏廩生葛綏兆繼妻諸生元慶女居崑之安亭里氏自幼事母張病刲股以進得愈及笄歸葛時姑歿翁在

堂綏兆嫡妻徐生子痘殤翁忽忽不樂綏兆恐傷老父

心撫他姓子為子烈婦視猶己出後翁病卧一載氏奉湯藥唯謹及翁歿佐綏兆治喪葬如禮又三年綏兆患腹疾卒氏哭之慟欲身殉母張及戚黨視殮者咸勸之曰葛氏無嫡子今有遺腹生男則宗祀不絕殉小節昧大義何為者氏飲泣曰我終有以報夫閔四月舉一男而前撫之子漸長比匪戒之不從氏知不可恃亟卜葬綏兆夫婦默忖曰我一弱婦人携三歲孩防檢稍疏懼為人几上因幸年已免懷家有老母族有從叔撫養可托我可遂初志矣夜人定後投河死道光十九年七月十一日也咸豐七年烈婦子望圮上其事於有司得旌

右俱咸豐年旌

- 烈婦劉氏潘氏黃氏俱從九品徐寶圖妾寶圖為刑部尚書乾學五世孫少習申韓學遊幕楚北臬署遂家於武昌城中咸豐二年寶圖卒是年十二月四日粵逆陷武昌城賊突入其家三妾同時殉難劉氏年四十三潘氏年三十三黃氏年二十九
- 忠義案旌
- 成豐庚申至同治癸亥殉難義烈
- 已旌未旌均依殉難先後編敘
- 節烈婦龔氏庠生余午莊妻 周氏庠生潘銘妻並罵賊被害 汪氏庠生徐少漁妻投河死
- 貞烈女梅真職監汪世銓女遇賊投并死
- 貞烈女錢氏文童汪曜煜聘妻氏年二十一聞曜煜歿寢食俱廢母知女性激烈勸慰之叩泣曰此女命也既



受聘應為汪婦待母天年過門守貞氏事母如常後十年母歿歸汪抱主成禮奉姑孝妯娌和紡績不輟親族無間言嗣姪紹宗為子守貞二十餘年聞城陷命紹宗曰吾未亡人死何足惜汝亟避以延宗祀遂自縊死

○隨殉烈婦唐氏庠生鄭曰楷妻並女四姑庠生王直宣聘妻遇賊自縊詳曰杜氏庠生王寶臣妻並女錦秀遇賊投井死見寶臣傳王氏庠生朱綸妻候選訓導逢原

妹性至孝母願病日侍湯藥夕禱於神請以身代歸朱事翁姑和妯娌人無間言遇賊巴城村赴水死逢源為立傳詳朱綸傳徐氏文童王景銳妻孫氏文童汪理嘉

妻見理嘉傳並遇賊投河死孫氏洪世昌妻並女六姑徐氏庠生方禮泉妻並遇賊被害羅氏周少山妻

金氏史錫眉妻同子銀章卜氏周啟澂妻並遇賊自縊

○烈婦唐氏庠生葛淡雲妻並女瑤卿葉氏庠生劉慕橋妻夏氏監生陳環周妻馬氏僧生管萃耕妻

葉氏文童劉夢橋妻王氏劉三妻姚氏邱申祿妻周氏吏書金玉蒸妻陸氏朱金林母李氏陳友梅妻周氏陳松華妻陸氏陳德珍妻李氏陳某妻周氏潘肇基妻王氏曹文標妻李氏王某妻何氏年家角人李大妻王氏年家角人薛某妻並

罵賊被害

○烈婦汪氏薛忠泰妻遇賊逼氏為室氏罵曰我家素明  
大義臨難則頭可斷身不可辱遂抱幼子三寶投河死

昭忠錄  
有傳

○烈婦徐氏監生朱健齋妻 錢氏王近仁繼妻並女二

姑 嵇氏徐志高妻 王氏陳小山母 王氏陳茂卿

妻並一女 胡氏陳鋤梅妻並女一 葛氏郎貽齋妻

葛氏朱啟同妻並遇賊投河死

○烈婦周氏監生顧業贊妻 吳氏武生王之朝妻 周

氏葉春帆妻 夏氏葉二妻並遇賊投井死

○烈婦湯氏陶靜香妻同子用禮用義女梅姑城陷日閉

門罵賊被賊縱火闖家四口同時焚死

○烈婦顧氏王嘉元妻明文康公裔孫女幼善讀工書城

陷日氏披髮仗劍哭而歎曰木蘭從軍古昔有之今不

及古人矣吾家世清白有死而已毋為賊辱以劍擲地

馳走投河適賊至見而駭令救之氏罵不絕口以首濡

水而沒賊眾相顧詫曰奇女子奇女子

昭忠錄  
有傳

○烈婦許氏監生陳紫垣妻 朱氏監生戈元孚妻年七

十八子竹山與賊戰被害同孫鍾燕殉 蔣氏監生顧

大相妻 汪氏文章葛其穎妻 李氏王友三妻 龔

氏俞某妻 錢氏王敦仁繼妻廷梅女 張氏陸子仁

妻並遇賊不屈自縊 焦氏周介祿妻年六十三闖門

殉難

○烈婦汪氏文童葛長韜妻聞賊竄城拜辭祖先密縫上  
下衣扃門自縊昭忠錄  
有傳

○烈女周大姑二姑振豐女 郎姑紹生女 羅二姑俊  
三姪女並自縊死 方二姑雲衢女投河死 江三妹

江大女 方姑職員胡麟翔聘妻武生人驥女並遇賊  
被害 尼妙真二泰三泰並投河死

○烈女金大姑湖北人江蘇候補縣丞金某之女金某病  
故省城因道梗眷未歸籍大姑隨母扶父櫬厝於崑東  
城外遂寓於崑端莊穎慧年九齡讀書已授經未幾母  
又歿城陷遇賊曳之去大哭投市河賊救起復投河以  
首觸水而死時年十有一

○隨殉烈婦李氏庠生胡鳳翔妻 姜氏從九品銜周佑

宗妻並遇賊不屈被害 胡氏熊鴻賓妻遇賊投河死

○金氏沈桂齋妻遇賊投井死

○烈婦金氏沈秋園妻遇賊投井死 董氏金松亭妻遇

賊投河死 錢氏監生王廷枚妻遇賊自縊以上並咸  
豐十年四

月城陷  
日殉難

○節烈婦汪氏庠生徐徵齡妻監生大梓女守節十五年

遇賊莫家渡投河死 徐氏儒童唐廷輝妻避於鄉縫

紉上下衣一片盛暑不解賊至投古墅涇河死家覓屍

不獲越七日屍浮出始殮之年二十四

○節烈婦張氏東城外朱某妻夫歿苦志守節庚申避難

親戚家賊掠其處氏被執賊欲污之氏大罵躍諸水賊憤以篙亂擊遂濡首死昭忠錄有傳

○貞烈女胡氏江舒庵聘妻 周氏蕭淦聘妻正銓次女並夫故守貞遇賊投河死

○隨殉烈婦葉氏陳三顯妻年八十住西鄉李巷邨遇賊隨三顯同聲罵賊願作忠義鬼不作長毛賊並被害

蔣氏庠生許鑾妻遇賊不屈被害 范氏文童張世澤妻 沈氏吳本心妻並遇賊投河死

○烈婦張氏歲貢生徐經治妻並女端容 潘氏庠生周士英繼妻 金氏監生徐經緯妻 徐氏監生朱鍾清

妻 徐氏監生周振堂妻同子大觀女大姑二姑 顧

氏監生夏仲芳妻 陶氏上元縣人從九職銜蔣森妻

夏王氏上元縣人布政司理問銜蔣彬妻 夏氏吳繼

祖妻同子大觀 張氏陳靜齋妻 毛氏周慶元妻並

女五姑 吳氏金日甲妻 陸氏鄔士德妻 碩孝巷

尼佛緣福聚錦文靜貞並遇賊投河死

○烈婦李氏職監朱廷銓妻 杜氏監生陸唐震妻 馬氏僧生管家金妻 孫氏江士奎妻 趙氏圓明邨姚

苟妻 焦氏周嘉妻 姜氏顧慶元妻 金氏盛和官

妻並遇賊不屈被害 支氏吳傳桂妻遇賊榜掠死

鄧氏朱蓉江妻遇賊被焚死

○唐士傑周近思拒賊歿於陣女痛哭罵賊不絕聲埋父屍訖賊欲逼之投市河死昭忠錄有傳

○烈女張姑監錫嘉女 翁大姑模鑑女朱某聘妻 張四姑嘉菁女 金二姐金某女並遇賊投河死以上並十年

年五月 殉難

○節烈婦某氏監生陳通經妻守節四十四年罵賊被害 隨殉烈婦王氏陳積甫妻遇賊投河死

○貞烈婦夏氏庠生王晉槐次子文童如林一作汝麟聘妻監生大章女咸豐六年年十六聞夫死矢志守貞奔喪服衰經事舅姑盡孝思邑城陷隨舅姑避難南鄉賊至脅之去氏大罵以頭觸柱求死賊趨止之齧其指垂拆賊

憤甚殺之昭忠錄有傳

○烈婦張氏梁玉章妻 史氏梁金鍾妻 趙氏顧全妻 並遇賊投河死 沈氏陸振齋妻並女穎姑遇賊被害

○烈女夏二姑監生夏大章女遇賊絕食死以上並十年 六月殉難 隨殉烈婦蔣氏周仲斐妻遇賊投河死

○烈婦徐氏沈月樵妻並女大姑二姑三姑遇賊投河死 蔣氏湯三妻 管氏盛永先妻並遇賊被害

○烈女盛姑春亭女 愛金盛聖亭一作盛源女 王姑監生 王受祉女並舊潭邨人遇賊投河死

○烈婦周氏杜大觀妻遇賊不屈被害以上並十年 七月殉難 節烈婦黃氏庠生鄒文馨妾年二十文馨卒氏苦志守

節歷四十年賊至大罵持刀自刎昭忠錄有傳

○烈婦傅氏朱啟鼎妻遇賊投河死

○烈女哀姐沈孝女見父拒賊歿於陣遂投河死以上並十年八月

月殉難

○烈婦胡氏文童張鴻年妻遇賊自縊 嵇氏陳紹祥妻

遇賊三墩廟投河死 王氏張殿妻同女小姑遇賊吳

淞江投水死 陸氏張明山妻亦遇賊投河死

○隨殉烈婦周氏陸晉卿妻罵賊被焚死見晉卿傳○以上十年九月同

殉難

○隨殉烈婦徐氏尹崑妻罵賊被害十年十月殉難

○烈婦徐氏薛蟾客妻忠泰母年七十有七新北鄉大潭

兵遇賊絕食死 沈氏吳開基妻新界潘家橋遇賊被

害

○烈婦某氏祁三官妻同子二遇賊投河死以上並十年十一月殉難

○貞烈女胡姑庠生書泰女江近仙一作琴宣聘妻年十四聞

夫歿絕粒誓死父命歸江事舅姑盡孝賊至數投縲以

救得不死後賊警益近飲鴆死時年二十九昭忠錄有傳○十一月

年正月殉難

○烈婦李氏王嘉妻遇賊不屈被害

○節烈婦王氏庠生陸元炳妻夫故守節遇賊投河死以上

並十一年四月殉難

○隨殉烈婦秦氏楊承宗妻遇賊不屈被害

○烈婦朱氏監生盛維綱妻年七十有九遇賊絕食死

陸氏朱錫章妻 夏氏朱明山妻 朱氏吳復春妻

陸氏沈友文妻並遇賊投河死 周氏朱鏡菴妻遇賊

菜菴浜投河死 吳氏詹渭揚妻遇賊夏家橋携孫還

官二官投河死 舒氏顧煌妻避難澱湖遇賊同小姑

二長年十八次年十六並投水死

○烈婦王氏圓明邨張喜妻 周氏夏某妻並遇賊不屈

被害

○節烈婦李氏監生蔡念勳妻崑東鄉井亭港人夫死守

節遇賊被擄置賊船中挺身躍水死時年二十六

○烈女揚及涇汪二姑三姑昭忠錄作大姑二姑庠生鳴鳳女密金

姐鳴鳳孫女二姑年三十未字三姑年二十三庠生許

新翹聘室密金姐年十三同舟避難賊蹤近鎮舟子棄

艖遁會戚邨挈眷挽舟相邀三女云男女有別不可以

亂離而失禮遂登岸步行遇賊追將及三女同赴水死

芳姑顧煌姪女 顧姑序賓女並遇賊投河死以上

一年五月殉難

○烈婦趙氏莊揖山妻遇賊被害

○烈女大姑張嘉菁長女遇賊不屈被害以上並十一年七月殉難

○烈婦周氏錢靜山妻遇賊投河死 何氏楊濟妻東城

外人遇賊不屈被害

○隨殉烈婦周氏僧生柏治卿妻 張氏柏煥洲妻並遇

賊投河死以上並十一年八月殉難

○隨烈婦衛氏孫桂岩妻遇賊舊江邨被害

○烈婦李氏文童席元鈞妻遇賊雙洋潭 陸氏張雲亭

妻遇賊角直鎮 丁氏夏慶培妻遇賊大墅鎮俞氏晉

銀橋妻遇賊圓明邨 顧氏晉福堂妻遇賊洙瀝邨並

投河死 王氏山東人衛千總胡珊妻寄居崑山遇賊

三江口罵賊被害以上並十一年九月殉難

○隨殉烈婦周氏朱沁齋妻遇賊舟直鎮罵賊被害十一年十一月殉難

○烈婦支氏文童許順保妻 張氏龔眷亭一作松安妻 顧

氏王耕畬妻並遇賊投河死以上並十一年十一月殉難

○烈婦朱氏曹心培妻遇賊投河死十一年十一月殉難

○烈婦周氏杜也一母遇賊不屈被害同治元年正月殉難

○烈婦劉氏周光被媳周某妻遇賊投河死 陸氏倪人

和妻遇賊石浦鎮絕食死以上並元年二月殉難

○烈婦徐氏周大妻遇賊北棗家橋投河死元年三月殉難

○節烈婦邱氏庠生李廷銓妻守節二十六年 胡氏張

銑妻並罵賊被害 時氏鄒文豹妻遇賊絕食死

○節烈婦曹氏孫茂椿妻夫死未葬賊至閉門而哭告其

夫之靈曰未亡人苟延殘喘者以君骸骨未瘞耳今賊

至有死而已遂觸死於柩前採昭忠錄傳

○隨殉烈婦范氏庠生陸熊妻 趙氏胡廷鏐妻 任氏



曹芳時妻同媳羅氏 陸氏楊近香妻並遇賊投河死  
吳氏王榮邦妻遇賊自縊 陳氏孔憲章一作啟明妻遇賊  
不屈被焚死 見憲章傳

○烈婦胡氏監生議敘州同知朱煜妻嘉定國學生候補  
部主事徵女避難東鄉天福庵元年四月見夫被擄扶  
姑至苑花塘復遇賊遂投水死時年三十有二

○隨殉烈婦俞氏張鑑妻遇賊絕食死 錢氏唐毓麟聘  
妻遇賊投河死

○節烈婦張氏監生周槐妻夫歿守節遇賊不屈被害  
○烈婦方氏試用訓導徐梅妻 喬氏廩生鍾鳴鳳媳同  
女茂貞鳴鳳孫女 王氏庠生朱思九繼妻 衛氏庠

生周維屏妻 馬氏庠生邱元英妻 薛氏監生汪大

梓妻 王氏文童羅繼昌妻 薛氏汪益鏢母 金氏

吳耀章妻 喬氏姚大妻 楊氏羅象山妻 沈氏張

受琪妻 葉氏王退思妻 汪氏顧錦堂妻 王氏馬

三妻 金氏戴恩祉妻 王氏相逸妻 李氏陸仁輔

妻 王氏陸慶堂弟妻並遇賊不屈被害

○烈婦沈氏庠生龔象耕妻 王氏廩生徐晉模妻監生

慶銓女 姜氏六品銜周朝宗妻 杜氏議敘從九品

殷桂芳妻 張氏監生周鈞妻同子慶麟 錢氏監生

周桂妻並女周姑 李氏監生周榛妻同女招寶 徐

氏監生周海清妻步青女 俞氏徐紀宗妻 某氏徐

福衡妻 胡氏俞菊洲妻 莊氏陳順昌妻 某氏殷

成章妻 顧氏孫敬煌妻並女大姐秀姐禮姐 羊氏

楊月桂妻 曹氏楊某妻 金氏張鶴祺妻 徐氏王

煜堂母唐氏煜堂妻同子蓉觀 朱氏王顯謨妻同幼

子朱氏王穉蘭妻並遇賊不屈投河死

○烈婦嵇氏朱毓麟妻年二十九諸氏朱毓麟妻年二十

六隨夫避難與夫相失同遇賊新北鄉更樓橋被賊執

欲污之皆謾罵不從賊脅以利刃亟趨過橋投漢浦塘

河而死 昭忠錄 台傳

○烈婦蔡氏重區五畝季培妻 顧氏王大妻並遇賊被

焚死 錢氏朱憶三妻 陸氏監生周根茂妻並遇賊

○自縊 蔣氏監生張鈞妾 范氏莊子全妻並遇賊絕

食死

○烈婦張氏唐彥棊繼妻遇賊逼從抱幼子泣且詈投夾

涇年三十七 李氏湯容軒妻 曹氏周大妻 黃氏

周椿妻徐氏椿媳 胡氏周和妻 沈氏金猷琛妻

朱氏李有麟繼妻 宮氏范錦鉉妻並女秀麟 王氏

范士昌妻 盛氏陸大順妻並遇賊不屈投河死

○烈婦戴氏監生周紳妻 顧氏監生周維楨繼妻 倪

氏監生金士吉繼妻 施氏莊氏金士吉媳 張氏朱

大妻並遇賊不屈被害

○烈婦施氏議敘府知事金芝生妻 方氏俞曦齋妻

某氏孫汝弼妻同幼女 張氏周子重妻同幼子 金氏陸繹遠妻並遇賊投河死

○烈婦馬氏嚴星杓妻遇賊絕食死

○貞烈女廷貞唐彥棧女隨繼母張避難張殉節後女毀容散髮携兩弟潛至西葛涇依伯母居束柴為母服喪號泣絕食翌日賊虜至兩弟被擄女投水死年十九未字

○烈女徐二姑步青次女 瑞芳陳秉楠女 五姐喬周

女 南妹嚴小堂女 柔妹嚴賡女 董姐董大女並

遇賊投河死 金氏傭工張嫗亦投河死 以上並元年四月殉難

○隨殉烈婦卜氏朱懋森妻出區二十七畝新開河遇賊

投河死 許氏吳為枋妻 張氏王效天妻並遇賊不屈被害

○烈婦鍾氏監生喬桂妻 夏氏朱廷藻妻 周氏陸大

妻 林氏陸虎妻 李氏葉春蓀妻同女大姑 李氏

葉星輝妻同女葉姑 徐氏夏大妻 洪氏胡二妻遇

賊油車埭 洪氏陳應璧妻遇賊南潘邨 高氏孫惠

嘉妻遇賊菜葭浜 鍾氏喬小山妻遇賊蓬閭鎮 盛

氏金玉亭妻遇賊濠上邨 陳氏趙金妻遇賊賈家埭

楊氏張國興妻遇賊小濠邨 沈氏吳建坊妻 湯氏

俞春妻 湯氏張啟森妻 周氏王大妻 張氏唐進

德妻 湯氏周六妻並小潭邨遇賊皆投河死

○烈婦李氏周忠妻奎大母遇賊被焚死見奎大傳 王氏金

家堰人馮香妻遇賊自焚

○烈婦苗氏蔡浦朱逢春妻 朱氏石浦唐象賢妻並遇

賊絕食死

○烈婦王氏李永華妻 王氏趙金妻 朱氏一作馬啟

發妻 吳氏周鑑妻 葉氏監生王兆熊妻 朱氏監

生盛知和妻 王氏歙縣人沈德母並罵賊被害

○烈婦何氏浙江試用縣丞許顯妻 許氏監生陸本仁

妻並遇賊不屈被害 柴氏庠生朱昉妻遇賊投吳淞

江死 唐氏監生張文熊妻遇賊絕食死

○烈女周姑金河潭村人心德女罵賊被害 許姑許大

女小潭邨遇賊投河死以上並元年五月殉難

○烈婦沈氏徐南山妻遇賊石浦鎮罵賊被害

○烈女葛姑慰三女遇賊投河死 徐三姑錦林文遇賊

不屈被害以上並元年六月殉難

○隨殉烈婦朱氏庠生薛如筠妻 吳氏監生張鴻元妻

楊氏監生周小江妻並罵賊被害 喬氏監生陳德基

妻遇賊絕食死

○烈婦徐氏庠生王德熙妻 朱氏郁濟川妻並遇賊投

河死 某氏監生張靜安妻 蔡氏石浦戴洪範妻並

罵賊被害

○烈女倪姑倪漢三女 福妹朱巷邨顧大女並遇賊投

河死 以上並元年七月殉難

○隨殉烈婦朱氏監生張宗翰妻庠生齊慶女住崑東鄉戴潭涇賊至宗翰適病劇遂自盡氏哀慟迫切亦自經夫屍旁年二十一

○烈婦李氏監生葉春蒸妻同幼女 支氏文童許蘊仙妻 葉氏南星濱周茂妻並遇賊投河死

○烈婦王氏文童徐蕃妻 姜氏橫涇邨顧茂石妻 吳氏邢連山妻 周氏施料邨許國泰妻 許氏茜墩鎮

顧國瀾妻並遇賊不屈被害 閔氏張大益妻崑西鄉新塘村遇賊逼從罵賊不絕口被賊刳腹死

○烈女葉二姑監生樹仁女茜墩鎮遇賊投河死 妙根

王禹濤女遇賊不屈被害 以上並元年八月殉難

○節烈婦金氏庠生徐鳳昌繼妻守節三十餘年 李氏席禹和妻守節二十餘年並遇賊投河死 戴氏文童

顧燦妻守節三十年 唐氏胡鍾和妻守節二十六年並遇賊自盡 金氏陸誠一妻守節三十餘年 李氏

馮芝山妻守節三十年 錢氏胡希璜繼妻守節二十二年並遇賊不屈被害

○貞烈婦葉氏鄭某聘妻天區三畝人夫亡守貞不字遇賊自縊死

○烈婦杜氏增生龔鏞妻 夏氏庠生鄔錦華妻 汪氏職銜葛庚樓妻 陳氏職員柴復振妻子鳳標 謝氏

職員陸永妻 陳氏徐鳳昌媳宗復妻同子世清一作棗南

顧氏武生徐占魁妻同姪女二姐 沈氏文童周寶泉

妻抱幼子 沈氏文童周禮元妻 周氏文童顧廷熙

妻 謝氏馮士彩妻並女小姑 謝氏馮敘彩妻並女

大姑二姑 黃氏支是錦妻 金氏徐瑚妻 周氏徐

寅春妻 顧氏朱古汀妻 曾氏陳佩妻 王氏陳茂

大妻 姚氏陳松年妻 金氏韓鴻襄妻女二姑 許

氏潘竹溪妻 徐氏張玉儒妻 黃氏張某妻 徐氏

王德椿妻 趙氏王雲亭妻同子祥及幼女 馮氏黃

善伯妻 張氏唐廷棫妻 卜氏湯啟明妻 馬氏周

振岐妻 周氏杜南觀妻 吳氏杜振龍妻 張氏馬

亮妻 俞氏沈福林聘妻 顧氏沈大全妻 朱氏范

子山妻 楊氏范金妻 楊氏范永言一作永吉妻 楊氏

范二妻 張氏顧藝齋妻 周氏顧洪甫妻 謝氏顧

東治妻 秦氏陸丕妻 馮氏陸增傳妻 諸氏陸子

良妻 顧氏郁子安妻 唐氏葉肇元妻 江氏歙縣

人汪國祥妻 某氏年六十崑南鄉三家邨趙竹齋家

傭工壬戌九月賊大掠東西南三鄉居民流離遁避歷

半月餘避難民船在大墅雙洋潭被賊劫掠殆盡婦女

被害者不下數百人僅就報列忠義案投雙洋潭河死

者錄之

○隨殉烈婦周氏僧生張瑞良妻 姚氏陳瑞章妻 楊

氏湯炳文繼妻 王氏謝錦榮妻並遇賊不屈被害

張氏文童葉光旭妻議敘職員張小泉女大直鎮遇賊

見夫被害遂自縊 包氏義耆湯敬祖妻同子大官

金氏張培綱妻 沈氏湯啟良妻抱二女 沈氏湯玉

祥妻同女大姑 王氏湯祖妻同女大姐 龔氏周大

本妻 陳氏鄒世均妻 陸氏鄒殿陸妻並遇賊投河

死 陳氏陸氏見忠節鄒惟傳

○隨殉烈婦丁氏文童許容保妻遇賊不屈被害 胡氏

庠生俞慶芝妻同女寶和 石氏俞慶玉妻 張氏俞

慶堂妻並遇賊投河死

○烈女德姑廩生晉邦基女 德華庠生顧元標女何某

聘妻 許三姑貢生許輝女 江姑錦濤孫女 江姑

錦濤女 陳二姑苑峯女 陳大姑炳章女 王大姑

蕉飲女 湯大姐玉成女 杜姑大均女 杜姑杜權

女 沈姑有成女 邱大姑鳳姑逢生女同弟虎觀

王大姑麟洲女 湯妹姐玉文女 嚴八妹惠祖女並

雙洋潭遇賊被害投水死 陸昭姑憲章女 莫姑瑞

章女並遇賊不屈被戕死

○貞烈女杜氏增生龔鏐媳文童弗遲妻庠生邦榮女為

龔氏養媳鏐與弗遲俱故家徒壁立不能舉炊有議以

鏐養媳及女四姑並遣嫁取身價者姑嫂聞之大哭曰

我父我舅以清節著甘作不食我餘之行乎適賊至邨

姑嫂並繫一繩携手投河死

○烈婦皇甫氏庠生陸獻琛妻 錢氏監生楊錦泉妻

朱氏廩貢生徐鳳采妾 馬氏監生鄒文烈妾 謝氏

王小觀妻 謝氏黃小弟妻 陳氏周維賢妻 顧氏

周關榮妻 張氏鄒丕基妻 張氏岑耀妻 陳氏馬

松雲妻 沈氏蔡景塘妻 蔣氏蔡大中妻 張氏陸

維鴻妻 謝氏陸德祥妻 范氏馬廷玉妻 沈氏龔

瑞芝妻 某氏徐應良妻 俞氏朱嘉木妻 駱氏胡

大妻 張氏吳蘋洲妻 馮氏瞿南山妻 朱氏姚南

浦妻 沈氏曹集成妻 許氏曹鳳江妻 王氏楊大

妻 嵇氏楊信夫妻 孫氏王景春妻 李氏王飛龍

妻 吳氏王大妻 一作王 大文妻 王氏黃大妻 卜氏杜傳

經妻 徐氏唐恒齋妻 盛氏周子福妻 盛氏周大

妻 董氏范二妻 卜氏顧松亭養媳 朱氏陳振鴻

妻 謝氏朱雲章妻 張氏吳喻軒妻 楊氏陳寶妻

蔣氏陳筠亭妻 許氏潘大妻 徐氏楊大妻 胡氏

張念文妻 周氏張竹軒妻 鄒氏張雲軒妻 張氏

王某妻 葛氏黃某妻 周氏潘玉龍妻 王氏湯玉

成妻 陸氏凌大妻 周氏金某妻 吳氏李志蟠妻

湯氏杜勤才妻 某氏馬文瑞妻 張氏鈕潤泉妻

倪氏沈大鏞妻 卜氏沈福田妻 吳氏顧二妻並遇

賊不屈被害



○烈婦孔氏文童顧會沂妻 蔣氏徐佩玉妻 夏氏吳

家駿母 陳氏柴卓人妻 金氏唐象升繼妻 計氏

許苟妻 殷氏計二妻同女並遇賊絕食死

○烈婦張氏莊石泉妻同幼女 朱氏顧敦流妻並遇賊

自焚 程氏陳梅卿妻遇賊自縊

○烈婦黃氏監生周海青母 周氏杜南雲妻並遇賊投

河死

○烈婦李氏鄒文龍妻 胡氏馬汝英妻 錢氏陸思劬

妻 王氏陸思劬弟妻 李氏陸知裁妾 何氏趙竹

齋僕婦並遇賊不屈被害

○烈婦陳氏鄒運奎妻 馬氏鄒文烈妻遇賊絕食死

○烈女秀姑庠生馬大棟女遇賊被害 徐姑徐大女遇

賊投河死 以上並元年九月殉難

○節烈婦郝氏文童張宮桂妻夫故守節三十餘年遇賊

絕食死

○烈婦李氏庠生吳兆誥妻遇賊投河死 薛氏文童陸

鍾美妻遇賊自縊 王氏秦振元繼妻遇賊被害 以上

年十月殉難

○烈婦張氏龔松安妻 支氏俞亮彩妻並遇賊投河死

顧氏周景銓妻遇賊被害

○烈女湯小妹德芳女遇賊投河死 以上並元年十一月殉難

○烈婦張氏陳紹祥妻遇賊自盡 張氏陳全吉妻 陳

氏沈儉齋妻 錢氏邵大全妻並遇賊投河死 以上並元年十月

二月 殉難

○隨殉烈婦李氏陳有恒妻罵賊被害

○烈婦沈氏庠生吳驥妻文童應姚母遇賊古塘邨持械

拒擊被害 周氏尚明甸鎮人杜星聚妻 莊氏夏殿

邨人周嘉元妻並罵賊被害 周氏顧春江妻 張氏

郁志功妻同三女並遇賊投河死 以上並二年正月殉難

○烈婦蘇氏青浦庠生張旦華妻石浦鎮罵賊被害 徐

氏監生汪詵妻 徐氏張雲溪妻 莫氏范玉山妻並

遇賊投河死

○烈婦范氏顧受亭妻同子小和遇賊不屈被害

○烈女李大姐六妹顯文女遇賊投河死 以上並二年二月殉難

○烈婦葛氏廩生顧文藻妻 黃氏王鶴年妻 王氏何

雲岩妻 王氏何兆熊妻 徐氏王天測妻並遇賊不

屈被害 吳氏 一作朱氏 監生張竹山妻遇賊投河死

○烈婦莊氏周順昌妻遇賊投河死

○貞烈女吳氏文童朱學成聘妻監生吳元域女元年聞

夫殉難屢欲自縊氏母許以守貞不字始生二年三月

晦在新北鄉新塘遇賊恐被擄遙拜故夫投河自盡時

年二十一 昭忠錄有傳○以上並二年三月殉難

○烈婦張氏歲貢生錢正奎妻遇賊絕食死 邱氏文童

吳燮堂繼妻遇賊投河死 盛氏張雙全 一作金 妻遇賊

被焚死 徐氏陳世鍾妻遇賊被害以上並二年四月殉難

○隨殉烈婦吳氏張義亭妻遇賊被害 胡氏文童張洪

仁妻 胡氏張洪禮妻 胡氏張洪智妻 胡氏張洪

信妻並遇賊絕食死

○烈婦胡氏職員張洪義妻 宋氏范少圃聘妻並遇賊

自縊 李氏陳某妻遇賊投河死以上殉難年月無攷右俱忠義案題旌

○節烈婦畢氏監生顧滙棟妻夫亡守節四十三年城陷

日遇賊被戕死時年七十九

○烈婦陸氏成區五畝人陳增妻賃居蘇城十年四月省

城陷遂雉經死 徐氏唐錦仙妻城陷遇賊抱女玉蟾

投水死

○烈婦唐氏蔡瑞山妻廣颺次女居南城外鄉郵城陷日

望見烽火忿激不平誓不見聞賊事即自縊

○烈婦某氏鄔蕙亭妻十年五月遇賊投河死 史氏梁

心齋妻張氏梁玉齋妻妯娌同居崑東鄉井亭港十年

六月賊掠至鄉二氏並被擄至放生橋同躍水死

○節烈婦錢氏寶山籍李楸田妻陽湖監生瀚澌女錢本

望族氏知書明大義年二十一歸楸田舅已卒事姑極

得歡心楸田落拓不事生產卒後家益落積逋多氏不

稱貸親族憑紡績以償逋親族咸重之庚申避難東鄉

韓村賊至僅隔一河將渡氏即躍水死年三十八守節

十一年

○烈婦葛姓母女崑城人十年六月遇賊北鄉念魚堰同投河死女年僅十六

○節烈婦傅氏文童陳兆珩妻文生春江女年二十一夫亡無子守節事姑遠近以孝聞越三年賊警至隨姑避奔滬上姑病卒氏絕食死

○節烈婦鄭氏玉區十九畧葉成璧妻守節二十六年十年九月遇賊被焚死

○節烈婦衛氏王蘊芳妻年七十七十年十一月遇賊被戕

○烈婦周氏江梧堂妻庠生志謙女十一年夏遇賊被害  
○烈女晉大姑逸溪女十一年六月遇賊南鄉許家墩不

屈被害

○烈婦趙氏麗區九畧彭達周妻同一女 吳氏麗區十二畧邱連城妻並十一年八月被害

○節烈婦盛氏鄒大德妻守節十五年十一年遇賊投河死 錢氏茜墩鎮任漢昭妻守節三十八年元年遇賊

殉難  
○烈婦徐氏庠生李如圭妻元年春遇賊自盡 唐氏監生吳元棫妻元年三月遇賊投河死 張氏武生諸友

山妻同子大信 薛氏曹寶智妻 張氏王亭芳妻並

元年四月遇賊投河死  
○烈婦朱氏庠生王定山妻元年四月遇賊被脅不從賊

痛毆之有老嫗語氏曰姑從可免死氏佯諾之誘賊入

周姓墓廬賊將迎不為備氏奪刀斫賊亟投池死

○烈婦錢氏住菜四畝木工賈老心妻同女年十五元年

四月遇賊被執女奪刀自刎氏投水死 張氏郁采卿

妻住菜三畝同時遇賊與三女握手赴水死

○烈婦許氏茜墩鎮方厚堂妻元年三月遇賊自縊 陳

氏榮南三畝李茂林妻 趙氏昆區二十四畝張勝妻

並元年四月遇賊投水死 吳氏朱鑑妻元年五月遇

賊自盡  
○烈婦朱氏吳復春妻性賢淑事姑能順元年五月復春  
他適賊竄鄉氏扶姑携子急不能避賊強逼之堅拒投

水死

○節烈婦范氏麗區十畝施祥法妻年二十八寡事姑以

孝撫孤守節二十四年元年五月遇賊被戕

○烈女夏二姑昌齡女住昆區二十二圖元年五月遇賊

投水死年十五 孫姑茜墩蔣涇灣孫某女元年七月

遇賊投水死年十七

○烈婦董氏麗區十一畝何景山妻元年七月遇賊被焚

死 李氏金家莊孫某妻元年九月遇賊投河死 金

氏趙靜齋妻同時遇賊自縊死

○隨殉烈婦楊氏監生范永錦妻元年四月遇賊投水死

張氏王荷鄉妻同時遇賊投洋裏河死

○烈婦張氏監生陸壽仁妻元年七月遇賊不屈被害  
李氏沈虎觀妻年七十九西鄉村里人元年八月遇賊  
被害

○烈婦王氏監生葉之畝妻元年九月遇賊被害年七十  
有一 蔡氏庠生李德演繼妻同時遇賊絕食死見德演傳

○烈女徐姑徐某女年十六元年九月遇賊投雙洋潭死  
南姐顧濬川女與顧馬氏同時投水死 孫氏李某妻  
同時遇賊金家莊投水死

○烈婦李氏武生龔浩妻元年十月遇賊投西庫河死  
陳氏監生龔芳煥妻 李氏文童龔家升妻 方氏張  
紹祖妻同時遇賊並絕食死 張氏趙瑞堂妻遇賊七

千灣不屈被戕

○烈婦周氏馬鞍邨應琛女青浦姚雨華妻自幼嫻閨訓  
元年九月聞賊至雨華令避戚黨家氏曰女不出戶外  
豈聞警可失閨儀乎遂雉經死

○隨殉烈婦吳氏包錫爵妻二年正月絕食死

○烈婦吳氏文童張國光妻賢煜女二年三月賊至堰涇  
以隨身攜帶金銀與夫妾某氏曰汝携所生子張氏血  
脈繫此亟避他適余死於此遂投河死右俱殉難未報請旌

○烈女陳姑庠生陳圻女及笄遇賊被擄不屈吞銀待斃  
賊踈防女乘間逸歸含憤卒年月失攷

○陸氏職監沈鏞妻道光二十年二十夫故哀毀至百

日移絕粒而死

○陸節烈婦成區一旨農家駱某女年十七適陸大閱三載而殘遺一孤年甫晬家赤貧翁欲改嫁之婦堅志不可奪翁再三說婦以遺孤未離乳哺婉言泣對請終三年喪及期翁又述前言婦知不免一日翁適市婦請翁攜孤入市婦沽酒肉冥鏹歸鄰人詰之以除霧答始聞號哭聲迨日晡寂然不見婦出至則戶扃踰牆而入則見烈婦僵立夫霧側手持數尺帶繫頸而死時咸豐四年事也

○魏氏一作衛氏茜墩鎮陳松雲妻同治元年賊至焚其廬松雲被賊逼投河死氏得夫屍埋葬祖營痛哭三晝夜卽

投墓旁河內以殉時年二十四

○韓氏烈婦周仁齋妻夫歿哀悼閱四旬飲鴆死時年三十六

○徐貞烈女徐恕女 徐貞烈女小姑 許貞烈女 馬

貞烈女汝秀庠生大棟女 金貞烈女雲汀女 王貞

烈女敘卿女 右俱同治朝旌

○龔氏職監夏廷芳繼妻廷芳性好義遇邑中善舉慷慨任之氏皆佐理其間同治元年八月二十四廷芳歿氏誓殉親視含殮畢絕粒七日至九月朔日死年五十六 同治五年旌

○王氏職監薛廷訪妻嘉定監生九功女性端重寡言笑

事親謹恪讀書畧知大義年二十許字廷訪時廷訪偕弟廷鎬在京口協鎮營咸豐十一年粵逆撲小河廷訪擊賊陣亡同治元年七月二十二日凶聞至氏自縊死年二十二

○鞠氏職員薛廷鎬妻京口協鎮耀乾女事親勤慎常日進親膳不假婢媪手好習數學疲於思得咯血症廷鎬依女父効力戎行咸豐十一年粵賊撲小河廷鎬親冒矢石殲賊無算尋中礮陣亡女父知女性烈秘不告同治三年女始聞耗慟甚嘔血數升卒年二十三

○何氏庠生李檉森妻檉森隨伯父赴任歿於粵東訃聞氏日夜號泣兩目紅爛家赤貧與叔輪養舅姑不以寡居自諉目昏不能作女工晝夜摘麥薪爲農笠藉以養堂上已則糟糠常不給李翰熙有傳

○沈氏庠生陸壽椿妻友湘女年二十七夫驟病歿氏堅持死志爲族黨勸強忍之咸豐十年正月其家人有事盡出氏佯稱疾不同往以尺組繫頸死年二十八距夫歿計百餘日

右俱同治七年旌

○潘氏張學詩聘妻未成婚爲張氏養媳同治元年氏年十八八月二十四日學詩病卒翁姑令氏歸母家擇聘氏矢志不貳誓隨殉翁姑諭止之抱主成合昏禮逾年以憂鬱自盡死年十九

○宋烈女監生文錦女字同里范秉均文童秉均以庚申



被粵逆擄久無音耗范氏議令擇配烈女聞之誓不貳志遂自縊時年三十

○朱烈婦國學生大棟女年二十適同邑監生周檀越三載檀病篤氏禱天以身代檀歿無子誓同殉殮檀畢卽飲鴆而死氏年二十二咸豐五年七月二十八日也

○朱烈婦舟直鎮凌五妻年十九適凌逾年五染痼疾延至四載漸劇氣逆不能寐氏徹夜撫腹至曙無倦百端醫治竟不起時咸豐二年氏二十三歲無子女痛泣屢覓死鄰里勸之氏曰姑與夫兄恐逼余嫁不如死姑聞而傷之許守乃止五佃業田四畝氏仍勤力作比稔分穀償業外餘償夫喪逋負辟纊自給久之姑屢諷氏改

適氏聞不食至數日嘗雪夜潛行曠野憑夫厝棺哭鄰近嫠婦多隳節者里中無賴每議及氏氏知語所親曰我志堅不可渝惟一死以自潔遂閉戶投纆死時年二十六咸豐六年四月二十八日也邑人嚴濟和記其事

○錢節烈婦榮南區五畝朱東塾妻咸豐二年氏年二十六夫歿苦守粵匪竄崑亟爲夫營葬至同治壬戌吞金自盡東塾姪恂妻錢氏元年八月見夫被賊擄自縊死

○張氏甫里陳某妻家赤貧姑老善病氏旣嫁勤紡織以養姑及其夫數年無怨言旣而姑卒值咸豐庚申賊陷郡城竄擾甫里族兄泰來重氏賢孝常恤之至是遣其妻具舟招氏避難固勸辭不往曰吾一婦人去將安適

是夕遂投水死

右未旌

○祝貞烈女芝姑候選州牧錫恩次女崑庠生沈錫綬聘妻光緒四年四月十七日錫綬病卒女年二十一未嫁閨耗堅志守貞絕粒飲泣父母百計勸解防維強進飲食至七月十二日乘間飲鴆自盡

光緒五年旌

以上崑山

○褚烈女梅姐玉成女

乾隆二十六年旌官為致祭事實無考

○王烈婦黃敬昇妻居育嬰堂巷家貧敬昇製辟蚊藥婦辟績以助或炊煙不繼鄰婦憐而問之必曰已飯乾隆丁酉夏敬昇病疫卒婦服紅絨死胸繫數字冀惻隱者殮夫育兒貢生諸秉源為殮其夫婦抱兒資養之

○朱十姑諸生效文女效文早亡母以女字顧氏子未婚顧厥女矢志守貞母復潛字盛氏女求死不得間所居在母寢後室值沍寒女乃夜半起啟牖引北風入袒背受之得嗽病去顧氏子亡不一年而死當受風時後院有老嫗見之女哀懇勿言旣死始述之

○顧氏端秀甘泉訓導惇量孫女幼許字李氏子母歿祖母朱撫之未婚夫亡端秀矢志守貞祖母又歿父更字他姓聘期迫遂闔戶自經死從妹希韞工鍼帶能詩著有繡餘草性狷潔許字某姓會其姑以敗行彰聞希韞憤恨自經死時乾隆壬子九月後端秀死二年

○龔氏殷紹青妻居真義鎮與木工陳某為鄰陳淫蕩窺

紹青他出欲犯氏氏厲聲拒之陳反加汚讟乃扃戶自  
經死白於縣按律治之

嘉慶八年旌

○沈氏稟生周芷妻揚州人斐章女事寡姑孝芷嘗患危  
病氏刲肱飲之並籲天求代芷愈未久而氏卒

邑人丁潤有傳

○黃氏海區十四畝民沈繼德妻年二十五偶獨居守舍

族匪文祥乘夜潛入欲犯氏氏峻拒且詈之文祥妻轉  
出醜語氏憤甚雉經死白於官坐文祥如律

嘉慶十五年旌

○顧氏賓曦門外應潮女許字劉家敏未婚家敏死女鳴  
咽易素服會劉有迎往守貞之議女色少解已而不果  
旋有議婚者至女乃自經於房距夫死僅二十七日

○陸氏日區二十五畝民陳傳官妻不苟言笑事姑甚謹

生一子一女而夫卒時氏年二十七常慟哭不成聲閱

兩月泣謂姑曰姑雖老幸有小叔侍養媳不足恃也至

夜自縊死事在嘉慶二十一年三月晦

○平明姐城北盛涇人少失父母依叔母以居已許字葉

某年十八偶入城回至黃滄涇陡遇鄰邨惡少趙學拉

阻圖姦女力拒得脫歸訴其叔乘間自縊死叔控縣坐

趙學罪事在嘉慶己卯四月

嘉慶二十五年旌

○新陽盛涇邨葉姓生二子爲長子養童媳忘其氏亦小

家女時皆孩稚也無何長子死葉愛女婉順留爲次兒

配女日長成居室窄見必俛首過道將婚次子又死葉

夫婦持女悲哭一一告之且曰汝未成婦年又少吾兩

人命窮柰何累汝咽糠覈乎女曰翁姑慎勿爲是言女  
生葉氏人死葉氏鬼卽翁有他子家溫飽猶不忍他言  
况窮老無子乎竟守節終養二十餘年而死死時猶處  
子云此嘉慶間事從邑人潘道根葉貞婦事略節錄未旌  
○俞烈女儒童王壽畚聘妻父光晟有子女四烈女最長  
性端重幼以孝聞年十五大父歿卽佐治喪具父母甚  
賴之許字王道光癸卯婚有日而壽畚疾光晟故業醫  
往視病歸語家人憂壽畚不起烈女聞色變請父母往  
視湯藥父母以非禮止之則請遣告舅姑願箋天以已  
壽延壻算未及而壽畚卒時八月十五日先是光晟爲  
女營嫁具授烈女一赤金簪戴諸首至聞變遽易王氏

聘釵是夕中秋節家人沿吳俗焚天香漏三下始歸寢  
烈女愛幼弟撫之寢所庭有辛荳花一株高丈餘天未  
曙家人從夢寐中間索姊聲甚急驚而起則烈女赫然  
縊花下西向面如生年二十二烈女之未死也泣謂母  
曰我王氏婦也死當以喪歸王氏卜日迎柩與壽畚合  
葬如其志同里李清鳳張潛之並有傳道光二十五年專旌

○錢氏良女葉根培聘妻道光二十八年旌

○王烈婦新陽人居雉城湖灘石橋早孤育於舅氏張冒  
張姓張愛之有所積悉以畀年十六適農人王懋德越  
三載懋德卒遺一女無子夫弟名惇禮者覲烈婦蓄利  
其嫁謀之訟師葉某授計於里書匿傭工婦床下叔入

房搜得之偽為訴縣者令黠隸陳姓俗呼土行孫者持銀鐺鑲婦及傭里書為關說出婦銀瓜分葉以主謀得最多婦憤甚送女往壻家至神廟訴冤歸祭其夫闔戶自經死之日道光二十二年十月二十九日也越兩月叔及葉某與傭同謀者七人皆暴死而迎薰門外城隍行祠中廟祝夜見神坐堂皇諸人囚服墜下擄掠苦狀事喧布然終無訟烈婦冤者二十七年新陽司訓江浦韓印始上其事於大府立碑表焉咸豐四年

○楊氏口金序妻

○金氏黃樾妻

○王氏汝澄女庠生龔詠仁聘妻右咸豐四年旌

○陸氏陳傳薪妻家新塘年十七適陳越五載而寡遺二子皆幼衰姑在堂氏矢志事姑撫子以慰夫靈其姑不察氏志日抱幼孫號於鄰家日兒棄我死家又貧媳年少恐難終其志奈此呱呱何氏聞而含悲鄰人又竊竊私語氏恐姑奪其志一日雨初晴為夫浣舊衣隨浣隨泣浣畢入閨中久寂然遺孤泣索乳其姑呼不應則已投繯自盡矣年二十一去夫死未逾月道光初年事未旌  
○陶氏本信庠生王景廬妾景廬病故氏哀慟躄踊含殮時欲入棺以殉經旁人勸解乃止未逾月終絕粒死未旌  
○張烈婦某氏農家女紹基妻紹基僑寓大慈鎮貿易比鄰陳大文性佻達慕氏姿欲挑之無其隙一日紹基外

出氏臨樓刺繡陳過其下以穢言戲之氏羞憤閉窗急避召鄰婦使告其夫卽自經鄰婦述之紹基鳴於官坐陳罪

咸豐庚申至同治癸亥殉難義烈已旌未旌均依殉難先後編次

○隨殉烈婦趙氏庠生錢本選繼妻遇賊思見辱隨夫同繫一帶赴水死見本選傳 馬氏文童顧小笠母某氏小笠

妻並遇賊自縊死 方氏文童張福澤妻 黃氏陳信妻 徐氏王景曾妻並遇賊被害

○烈婦葛氏庠生朱昌穀繼妻太學生蔭庭女年二十一歸昌穀事舅姑咸得歡心姊姒雍睦無間言生一子福曾聰穎過人年舞勺十三經俱成誦嗣得軟腳病而天

氏心傷之庚申四月粵逆竄蘇城昌穀館於外路梗不得歸家人皆勸其出避氏曰避將焉往賊至死耳及崑城陷聞警遂自縊

○烈婦徐氏庠生陳煜字北洲妻 阮氏監生季俊明妻 趙氏監生李通妻 陳氏姜蓬溪妻 唐氏周樹本妻 孫氏朱南琛妻並遇賊投河死

○烈婦唐氏周小岡妻城陷賊排戶入執小岡氏語其夫曰盍佯從之或可苟全我婦人不可受污惟一死耳遂抱幼孩投屋後河死婦忠錄有傳

○烈婦龔氏陳竹亭妻 陳氏孔杏江妻 程氏杏江媳並遇賊投河死

○烈婦李氏庠生陳春煦妻遇賊不屈被害

○烈婦范氏周亮彩妻 杜氏陸茂妻並遇賊被害 韓

氏孟九皋一作鶴年妻携女慧貞遇賊投後浜河死以上並咸豐十

年四月城陷日殉難

○節烈婦金氏關朗如妻庠生汝杰女夫歿撫孤守節依

居母家賊氛逼隨嫗吳氏奉母避於鄉賊至脅之行氏

與嫗大罵以器擊賊賊憤欲殺之急抱二孤與嫗同赴

水死昭忠錄有傳

○隨殉烈婦吳氏庠生金汝杰媳廩生慶嵩妻庚申四月

賊竄蘇城氏偕小姑適闕者侍姑避於王家邨越一月

賊至鄉見氏逼之行氏大罵曰我家父子同殉難爾叛

賊敢犯我乎遂與小姑投河死昭忠錄有傳並見張

氏武生沈錦彪妻氏見錦彪起義歿於陣遂自刎死見錦

彪傳徐氏王興甫妻遇賊投河死

○節烈婦王氏杜秉如妻夫亡守節聞賊至急投河死

○烈婦張氏庠生唐廷耀妻並媳胡氏一作錢氏儒童唐毓麟

妻遇賊不屈同投古墅涇死死後尚携手立水中賊退

收斂面如生姑年四十五媳年十七

○烈婦居氏附監生潘福辰妻 葛氏馮燾妻抱幼子

何氏監生徐經綸妻 徐氏歸祥妻 鄭氏陳信芳妻

俞氏包福全妻 陸氏陶棻汀妻 陳氏周二母同子

四官 陳氏邱永懷一作允懷妻 陳氏邱雲章妻 朱氏

李襄虞妻 郁氏褚明揚妻 周氏趙鑒榮妻 高氏  
賈二妻並遇賊投河死

○烈婦龔氏金香畦長媳金錕號雲溪妻遇賊石牛潭恐  
被擄投河死子清瓚年十歲次女年七歲慟母滅頂同  
躍水互抱而死其長女爲趙萍溪養媳聞母殉難號泣  
不已挑水亦死一門之中節孝兼至 吳氏金松溪妻  
遇賊投傀儡河死

○烈婦朱氏徐桂林母德大妻 吳氏陳洪業妻 郁氏  
張耀昆妻 顧氏祝定邦妻 徐氏歸振華妻同女三  
妹 鄔氏莫信芳妻 徐氏某妻同一子並遇賊被害  
○烈婦蔡氏徐四妻其夫隨衆攻城衆敗奔散賊追至比

屋搜人見蔡氏曳之行氏厲聲大罵賊憤遂被害氏年

十有九 昭忠錄  
有傳

○烈婦吳氏黃芝仙妻同一女遇賊投河死 王氏杜某  
妻遇賊不屈被害

○烈女周叔英庠生以模女 金姑文吉女 金姑榮基  
女 李姑李春女並遇賊投河死 以上並十年  
五月殉難

○節烈婦潘氏盛世福妻夫歿守節二十年遇賊被害  
○烈婦周氏歲貢生王景康繼妻 張氏陸振齋妻同媳

張氏文童松溪妻又子二信並遇賊不屈被害 金氏  
監生趙錫恩妻遇賊投河死 以上並十年  
六月殉難

○烈婦吳氏周市鎮人邱根香妻賊大掠北鄉氏抱二歲



女匿田菜中賊搜見亟抱女躍入水賊挽之出奪其女

棄諸水曳氏而行氏厲罵絕裾復投水中死昭忠錄有傳

吳氏邱愛亭妻黃氏歙縣人醫生汪健齋妻並遇賊

投河死

○烈女徐阿南炳南女遇賊投河死以上並十年八月殉難

○節烈婦顧氏庠生程珪繼妻國學生嘉林女夫歿守節

三十二年遇賊不屈絕食死

○烈婦李氏莊鶴洲妻罵賊被害以上並十年十一月殉難

○隨殉烈婦趙氏監生俞士莪妻遇賊投河死十年十二月殉難

○節烈婦席氏庠生朱長吳妻庠生元暉女道光十五年

長吳病故氏年二十歲無子守節共二十六年至咸豐

辛酉避難北鄉賊至自盡十一年三月殉難

○隨殉烈婦朱氏凌煥章妻遇賊投箭子浦死

○烈婦姚氏袁贊升妻抱子章氏張雙德妻邢氏張

茂妻郁氏張和尚妻何氏金彩文妻葛氏姚允

升妻並遇賊投河死葉氏陸安生妻罵賊不屈被害

以上並十一年四月殉難

○烈婦董氏監生程劍華妻青浦學貢生志帷女遇賊受

搶傷死周氏朱瑞豐妻遇賊投井死施氏張秀嘉

妻袁氏李祖觀妻並遇賊不屈被害以上並十一年五月殉難

○烈婦王氏阮振安妻遇賊投河死十一年八月殉難

○隨殉烈婦陸氏新陽學書斗戴步濠妻携女彌姐大野

鎮遇賊投雙洋潭死 陳氏姜蓮溪妻遇賊被害

○烈婦高氏顧黃求繼妻遇賊投雙洋潭死 以上並十一年九月殉難

○烈婦朱氏金榮翼妻遇賊投河死 張氏錢耀德妻遇

賊不屈被害 以上並同治元年三月殉難

○隨殉烈婦蔡氏武生俞洪棟妻遇賊被害 見洪棟傳 范氏

湯濬卿妻遇賊投河死

○烈婦方氏監生張文鏘妻 周氏陳心畬妻 李氏陳

崑吾妻 包氏王仲卿妻並遇賊投河死 余氏監生

馬汝偉妻 任氏嚴大妻 沈氏歸惠祖 一作慰祖 妻 申

氏沈玉祥妻並遇賊不屈被害 徐氏陳世忠妻遇賊

被破腹死

○烈女徐大姑建堂女本崑城巨族隨父業瘍醫寓北鄉

之陶沙涇賊掠其邨父適病篤不能避令女亟避女不

忍離父不去亟藏匿其父已則挺身拒賊賊見其有姿

欲劫之去女大罵取貯藥器擊中賊亟趨出投河死年

十有九父遠隔垣叢莽中聞女死狀亦慟哭死 昭忠錄有傳

金大姐肅如女 孔二姑憲墀女並遇賊投河死

○隨殉烈婦范氏孫彥鏞妻遇賊投河死

○烈婦李氏王維新妻 唐氏王振堂妻同二子 李氏

唐蓉軒妻抱子傅根 李氏魏竹軒繼妻同子金和並

遇賊投河死 以上並元年四月殉難

○節烈婦徐氏監生孫世英妻遇賊自盡 元年五月殉難

皇朝通志卷三十一

○烈婦何氏唐顯良妻遇賊不屈被害元年五月殉難

○隨殉烈婦張氏監生孫儒文妻同女淑貞媛貞遇賊被害 邱氏文童孫兼厚妻遇賊投河死

○烈婦趙氏姚鴻均妻遇賊受傷絕食死以上並元年六月殉難

○隨殉烈婦陸氏庠生金夢麟妻 范氏文童張脩五妻並遇賊被害

○烈婦王氏庠生俞均妻 汪氏庠生李醅厚妻監生章森女 陳氏監生郎鳳苞妻 顧氏郭進德妻 嵇氏

張瑞妻並遇賊被害 錢氏朱恂妻遇賊自盡

○烈女鳳寶錢雲青女遇賊石家淩投河死以上並元年八月殉難

○隨殉烈婦陸氏庠生莊家莖妻 吳氏監生顧淦妻

郁氏歸汝桂妻 孫氏郭發廷妻並遇賊不屈被害

王氏錢春軒妻遇賊自縊

○烈婦曹氏陳墓鎮附貢生王慶祺繼妻抱女秀齡遇賊

投河死同時陳墓鎮有諸氏陸永妻朱氏汪某妻同幼

女亦遇賊投河邑人朱培源有三烈婦傳 范氏朱以

樂妻 黃氏殷傳香妻亦遇賊投河死 姜氏蔡錦文

妻遇賊被焚死 李氏沈大妻遇賊不屈被害

○烈女四姐武生張鑑瑚女遇賊自縊 徐姑徐某女

茂姑一作嫩觀文童張應儒女並遇賊投河死以上並元年九月殉難

○烈婦尤氏李三晉母 陳氏李藍哇妻並遇賊投河死

嚴氏唐鳳翔妻罵賊被害以上並元年十月殉難

○烈女張大妹二妹配成女北鄉心涇漢遇賊投河死元

十一月

○烈婦陳氏庠生杜寶源妻遇賊絕食死二年正月

○節烈婦周氏蘇玉堂妻遇賊投河死

○烈婦李氏錢士妻遇賊被害

○烈女李三妹李琛女遇賊被害以上並二年二月殉難

○節烈婦邱氏徐寶葵妻家璞媳年六十九邱氏徐寶訥妻家綸媳年六十三二邱本胞姊妹適徐從堂兄弟避難新陽西北鄉賊掠其鄉並投河死

○烈婦李氏杜在璿繼妻遇賊投河死以上並二年三月殉難

○隨殉烈婦楊氏徐銀官妻 戈氏顧福妻並罵賊被害

○節烈婦張氏何顧閩妻夫歿守節計十四年避難昭文界銀絲灣賊至欲犯之不從曳之不行大聲罵賊賊忿甚以矛刺之氏仆地賊退後見邨中人呼而告曰我何氏婦也歷數被難狀語訖而卒年四十一昭忠錄有傳

○烈婦孟氏庠生杜葑妻 杜氏庠生顧百史妻廩生泰

女 孫氏文童汪慶綏繼妻 杜氏唐長瀚妻 吳氏

趙渭溪妻並遇賊投河死 陳氏江昌妻 余氏徐端

九妻 程氏陳福基妻 張氏陶正江妻 錢氏胡培

明妻 徐氏陳焜文妻 朱氏陶景成妻並罵賊被害

以上二年四月殉難

○節烈婦毛氏文童陳鍾浩妻夫歿守節十餘年遇賊投

河死

○烈婦金氏監生王景庠妻罵賊被害以上殉難年月無攷右俱忠義案題

○隨殉烈婦曹氏庠生俞觀光妻十年四月城陷日絕食死見觀尤傳

○烈婦某氏匠工張竹亭妻十年城陷日投水死

○隨殉烈婦俞氏義耆金上達媳煥成妻十年五月遇賊北鄉山塘涇上達煥成並被害氏携子榮春投河死

○烈婦周氏李士行妻十年五月遇賊不屈被戕無完膚死 徐氏周正芳妻同時遇賊拒鬪被賊破腹死 沈氏施采章妻同時遇賊不屈被鎗刺死 陸氏顧大觀

妻同時遇賊投水死並藏匿十二畝人 某氏陸龍妻

真義鎮東亭子人同時遇賊不屈被斫死手抱穉兒死猶未釋邨人憐之携育長成

○烈婦錢氏武生凌鑑妻 陳氏邱愛觀妻 吳氏朱敬

揚妻並十年五月遇賊被執乘間投河死 吳氏邱補

觀妻 卜氏王耕香妻並十年八月遇賊被擄大罵投

河死俱周市鎮人

○烈女吳姑以鑑次女十年五月傀儡河遇賊脅之不從

被剖腹死 李姑春次女同時光區六畝馬路橋遇賊

被害 趙五姐真義鎮人祖培女同時賊至鎮父及兄

世琪同投河殉五姐被擄絕食而死賊見其烈具棺殮

之大書趙五姐節烈之樞 珠姐朱殿女年十九同時遇賊投河死

○烈婦顧氏張厚基妻庚申城陷避難太倉六月太倉城陷遇賊砍傷投河死

○烈婦吳氏武生李兆鶴繼妻避難廟墩十一年四月遇賊携幼女二官赴水死

○節烈婦徐氏張華德妻守節二十六年撫遺腹孤成立元年避居生田邨賊至適病在臥室賊縱火焚死

○烈婦朱氏庠生徐成勳妾避難王巷邨元年三月遇賊投河死年二十二

○隨殉烈婦徐氏陳瑞妻元年四月見夫遇害携幼女赴

水同殉王氏陳瑞母年六十餘遂絕粒死見陳瑞傳

○烈婦馬氏顧黃官妻元年四月遇賊投長涇河死曹

氏姚再傳妻元年五月遇賊雙廟村被害夫死

○隨殉烈婦徐氏張受益妻元年五月芥區十一畝遇賊見夫被害罵賊不已被焚死

○烈婦郎氏廩生錢正域妻元年八月北鄉念魚堰遇賊

中鎗子傷死 張氏監生閔璋繼妻元年九月遇賊赴水死

○烈女葉大姑庠生蘊璜女元年九月遇賊南鄉許家墩投水死

○烈婦張氏王之岡妻元年十月遇賊劫船躍入河賊以

篙撈起復赴水死

○節烈婦朱氏儒童方攀桂妻允孚女年二十六寡茹苦  
含辛撫孤成立二年春邑城垂克復於更漚橋遇游匪  
投河死 周氏監生吳子周妻二年二月遇賊西北鄉  
不屈被戕女二妹同時投水死

○烈婦錢氏胡佩明妻 張氏陸正江妻並支家莊人  
某氏徐端官妻 龔氏邱文耀妻二年三月並遇賊被  
害

○隨殉烈婦某氏周二觀妻大西門人避難北鄉夫被擄  
後侍七旬老姑辟績營生二年三月賊至不及避向姑  
叩泣躍水死

○烈婦高氏收區二十一畝范效章妻二年四月遇賊罵

不屈被殺

右俱殉難  
未報請旌

以上新陽

崑新兩縣續修合志卷三十七終

崑新兩縣續修合志卷三十八



列女三

完節已旌上

明

劉氏周勝十妻元至正中勝十自常熟顧山遷雙鳳里旋卒時氏年甫十九遺腹生子原吉依母家居邑之湖川塘撫之成立洪武中以薦授光祿寺典簿氏年至八十二卒太僕卿復俊氏五世孫也

陶氏嚴華妻年二十二夫死寡居終身年五十二

洪武七年旌

凌氏范安三妻年二十二夫亡依母居誓不再醮五十五

歲卒子真以狀聞

洪武十六年旌



李氏名惠水德妻性貞靜不苟言笑年十九嫁二載夫亡誓死不二或勸曰汝年少無子老將何依氏曰夫者天也天可二乎夫死無子命也若亟去勿污我耳遂自經其姊護之得不死洪武十年以同籍兄事逮繫至京任事者脇之曰若適人則可全氏忿曰吾不以危難棄禮義雖萬死無悔上官高其行以聞得護送還鄉時家業已沒於官氏僦屋寄居紡績自給又食其兄姊之孤女三人洪武三十四年旌陳潛夫傳其事

沈氏鄒麟妻洪武中麟歿於陣或諷氏青年無子可更為計泣曰移天而覲非望獨何心耶指所居室曰必死此貧不能自存志益堅竟以哀毀成疾卒年二十八

曹氏唐士則妻年二十子甫在襁褓士則商死鄱陽湖氏孝奉舅姑舅日嘗姑寢疾扶持奉養甚至喪葬皆以禮教幼子得成立寡居四十餘年卒秦約為之傳

陳氏朱本道妻本道早世遺二孤禧衍俱幼氏教以義方沒後盧儒撰誌並見鄭文康撰朱宗海墓銘宗海名衍陳氏王友諒妻宣德間旌

黃氏名甯周瑄字文璧妻舉人鐸女年十九適瑄二年瑄卒矢志不貳姑病痿十餘年不可舉動氏百方求療弗愈有老嫗謂曰我聞觀音大士願力甚大事之當得感應於是肖大士像晨夕百拜凡五年忽夢大士曰汝每九日掖汝姑學步至七九可到吾前醒後如教依期扶

掖屈七九姑詣大士像前奠香其香忽從空飛騰踰梁而下正中姑頂顙聲若驚霆彈指間百苦俱去人稱孝感宣德時縣令羅永年遺米二十斛以助其養及卒李應楨表其墓曰節孝長洲沈周有周節婦孝感詩五古

六十二韻

詳冢墓

金氏名增潘紹宗妾紹宗卒氏卽屏膏沐有古貞婦風里人謀表其行氏曰合甲二十九得聞三十不得聞也或曰降一歲無難曰此非吾心所安事遂寢年八十餘卒何氏名淑甯鄭忠妻年二十四夫亡家貧甚遺孤二曰庚曰壬舅姑皆八旬無內外親可倚氏熒熒孑立紡織以給舅姑歿喪葬以禮課二子績學成名年八十三而終

後庚卒婦沈氏青年自守時稱雙節

許氏名安世醫用衡女年十八適士人蔣喆不二載夫歿歿後兩月遺腹生子曰明夙夜紡績以養姑貞白之操歷久靡間中書盧儒序其事明後爲慈利教諭

陸氏名妙善王佐妻年十七歸佐不數載夫亡遂去華飾紡績以養姑撫諸孤成立節操始終弗渝

潘氏名芳眞徐孝妻年十七嫁逾年夫亡躬勤紡績矢死不貳越五十不踰戶外鄉人稱之

錢氏航東涇祝晟妻年二十六晟卒氏自少至老端莊靜重以壽終葉盛鄭文康嘗同往拜之文康有莫怪到門輕下拜要令田野辨龍蛇之句

皇朝縣志卷三十一 三  
楊氏張元甫妻年二十而寡無子志操峻潔年七十餘卒

天順  
間旌

夏氏名妙清主事盧瑛妻太常卿景文瑛卒氏年二十四

奉寡姑撫在抱子不出門戶垂五十年成化五  
年旌

許氏張麒妻麒卒氏年二十四遺孤縉在抱次紳方在娠

紡績織紵撫二孤俾成立淨守五十餘年卒年七十九

張氏名淑英時瑞妻年二十七瑞亡無子遺二女居貧矢

志飲水茹蘗終其身壽至八旬

吳氏夏衡妻年二十衡卒矢志守節宏治十  
一年旌

龔氏名貞進士張經妻年二十七經亡奉姑教子孀居五

十餘年宏治  
中旌子希賢以學行稱

鍾氏魏淮清妻鍾故富淮清贅其家以醉墮河死時氏年

二十八族人利其改嫁侵其產殆盡氏弗與爭晝夜紡

績自給撫二孤庭楠庭林至成立宏治間卒年五十一

朱氏名端卿鄭友光妻年十六歸友光友光卒以節自誓

所居一室足不踰限常以一白甌置几上保護甚至或

問其故氏曰此非金玉而人重之以其潔白不受污也

我未亡人亦如是矣事姑盡孝姑以高壽終宏治間知

縣楊子器以事聞旌其門曰貞節卒年九十

李氏皇甫鑑妻王氏皇甫梁妻陶氏皇甫乘妻並家信義

東十五連宏治間俱以夫亡守節著

周氏名淑真諸生楊洪妻年二十九洪卒子然居貧縫紉

紡績以餬口志操愈堅人稱苦節

虞氏孫承陸妻侍郎祥女年二十四寡一子方兩月舅姑貧甚罄嫁貲以葬夫少耽書史俱屏去旦晚力作以事舅姑生養歿哀曰吾代供子職耳九十卒

葉氏名織夏景澄妻侍郎盛女嫁四閱月夫卒截指自誓時盛已卒舅文振官大理乃依母耿氏居耿歿無所歸母舅裕分祿贍之遺言有云只爲名節兩字一生如執玉奉盈不敢失墜卒年五十七

薄氏陳墓陸淪字宗殷妻年二十一夫亡撫遺孤檢家貧姑老舅又盲資紡績以養生送死守節六十一年卒  
袁氏陳墓陸濟妻濟早卒遺二子又殤守節終身

楊如蘭平陽知縣楷長女年十九歸沈仁居三年仁卒哀毀瘠立自矢同逝家人懼防之潛自溺者再舅虞不免諭以不奪得少解仍築二壙以成其志年六十餘卒

徐氏王原甫妻太倉醫家女少諳脈藥尤明小兒科嫁二年寡一女始啐舅姑又被逮至京氏年二十誓撫孤女既笄又卒乞養趙氏女爲女越數年招婿婿又亡伶仃孤苦與養女更相爲命賣藥自給年八十六卒

龔氏訓導諸敏妻幼有淑德不苟言笑年二十三歸敏六年敏卒貧且無子氏甘淡泊勤績紉以供祭祀撫孤女勞苦三十餘年年六十五卒

某氏興賢里張某妻太常方鵬之甥婦也鵬嘗言吾姊歸

於張甚貧有婦而發堅柏舟之節

吳氏王銀妻參政愈之女稟性淑慎讀書嫻禮銀卒子同祖甫三歲氏不御膏沐不聽音聲中外問遺悉屏不與數年同祖有知始理故篋出遺書以訓之比入官則勉以立身慎行後封太孺人乃卒文徵明誌其墓

錢氏陳孟春妻父昱故塾師課諸子時氏畧聽即成誦長歸孟春孟春有廢疾不良於言氏愛敬未嘗忽禮年二十八夫亡守節三十五年撫孤表至成立

盧氏張誥妻御醫志女二十一歲而寡日夜操作奉舅姑課遺孤懋隆十六遊庠嘉靖癸亥御史楊旌其門

張氏顧瓊妻都事瞻之母也年十八歸瓊四年而寡屏膏

沐教育子女躬勤紡織守節五十年卒

魏氏趙大韶妻大韶早死氏儻居一廛鄰婦罕覩其面晝夜績每竟則以筐置戶外仍闔其廬里人見之曰此節婦紅也為售錢易米薪餘錢仍市苜置戶外氏乃啟戶取之進士諸邦憲魏出也以名教自任重氏節時饋問所受惟瓜蔬一日邀氏往不許復令其妻固邀之氏乃至至則邦憲夫婦盛服出迓肅氏入具盛饌氏怫然曰吾以甥為廉今如是豈礪然不滓者耶不顧而返

項氏庠生王時雨妻年二十四夫亡姑老子幼備歷艱苦

嘉靖二十一年旌壽八十二以子任用官主事封太安人

諸氏太學生嚴懋元妻保康令邦正女少而發值倭亂烈

其廬卒能復振教其子亦遊上舍王世貞撰傳

許氏丁湖妻舉人子載母年二十四夫亡幼子四熒熒撫育者四十年先是其家園池素植紅蓮一夕盡變爲白觀者異之以爲氏素抱明潔天所以闡發幽光也通政張寰名其堂曰徵潔作銘以遺之

王氏陳可樂妻貢生士高女年十九歸陳五年生子唐方二歲可樂病劇謂氏曰伯兄無子可以兒子之氏慟哭曰養老字孤吾事也夫卒事姑楊加謹晝夜辟纊爲治生計晚患目眚唐欲延醫治之氏曰吾卽死不能出手與人診視也年六十五卒歸有光銘其墓

繆氏指揮使陸長卿妻年二十四而寡後歸有光爲文以

壽稱其遭家多難著柏舟之節云

顧氏太學生朱端禧妻少保鼎臣女歸朱不久夫卒無子遺二女撫孤事姑姑歿喪葬盡禮已而女又亡以從子世揚爲後年六十七卒歸有光誌其墓

顧氏庠生劉在妻御史潛女年二十二寡守節至隆慶元年年六十矣疽發於乳家人請療氏曰婦人體可令男子見乎遂以麻縷百結其身不食數日卒

張氏少保顧鼎臣妾京師人生子六歲鼎臣卒氏年二十三將隨喪南歸父母沮之哭曰吾守吾志獨苦有子耳不則吾死矣屏居一室終身縞素年七十一卒

張氏庠生吳羽妻年十九夫亡遺孤孝甫方二歲撫育成

立織麻以養舅姑爲夫營葬苦節五十年

隆慶三年旌

胡氏沈瑞妻年二十三而寡撫孤女贅婿王珀方成童坐

其兄逋累繫獄五載眾議改嫁其女氏執不從賣麵丸

以贖婿與女婚配共甘凍餓不改初節

萬曆元年旌

某氏曹中亨母孀居五十年至老猶手治絲枲教督諸子

皆祿仕既卒府尹柴奇有詩輓之

董節婦

少保顧鼎臣嘗有詩曰嘗見旌節婦非貴即富家高門樹綽楔工巧競豪華豈惟貧寒婦持身乃疵

毀劫屋及編廬不聞被褒嘉春花生庭階闌幕榮圍遮幽藹空谷間萎死同蓬麻慈節苦董姬志行兩不汗念夫日撫孤恩

情渺無涯

高氏錢順甫妻年未二十而寡守節三十六年女適李在

中在中謂外母之節堅似金粹似玉高潔似松柏

胡氏詹瑜妻居淞南之陶湛橋瑜三十而歿氏盛年守節

撫孤德言成立附見鄭文康所撰詹德言墓銘

金氏監生吳珊妻年十五嫁七年珊卒矢志守節預築生

壙孝事祖姑鞠育遺孤歷六十餘年卒

萬曆四十年旌

郭氏易春江妻生子曰孝甫四歲夫死茹辛力貧保其子

長補諸生氏病日孝籲天請代割股肉以進邑侯臺使

兩獎之年七十八卒

王氏庠生沈象賢妻贈山西運使時暘女年二十九夫亡

遺三孤課之如嚴師每日使人目吾子爲無父之子愧

死矣及三子皆授室子婦歲時上壽必堅卧不起以諸

子不能讀父書每風雨孤燈輒泣下晚歲長子守愚次

子守謙皆死又育諸孫成立年八十八無疾而終萬曆十六年後附五貞祠

周氏顧履祥妻御史震之女履祥以父鼎臣之喪過毀失明氏服勤左右垂十年履祥死以兄子謙福為後既壯有室旋病死氏又教養其孫年八十三卒守節五十四

年 萬曆三十二年 旌

周氏儒士葛緯妻長洲周寅女年二十四夫故下遺二子應元見孝友傳應文上侍舅姑會倭亂提携老幼奔走江鄉繼以大水俛仰之需皆出氏十指及孫生識之曰此子他日必成名即太常錫璠也苦節四十八年卒後建祠

馬鞍山南 萬曆三十三年 旌

陳氏太學生張必升繼妻鄉民鏞女年十八嫁未期必升死氏誓不食姑沈亦不食相持七日大慟曰吾死姑矣勉復食奉姑三十年姑卒喪葬具禮貧無所歸乃歸父家時鏞夫婦老且貧氏以十指自給萬曆二十年巡按邢侗奏旌其門賜粟帛歷二十四臺皆卹馬卒於萬曆庚戌壽九十六守節七十九年夏暉張大復俱有傳金氏張淑文妻初淑文從母胡歸陳以端者未有嗣養淑文為子氏年十七歸淑文而胡死以端他受室有子遂疏淑文淑文死氏謹事以端與其繼室如舅姑而不受其產撫遺腹子孝成立補諸生年四十二卒守節二十二年張文柱為立傳



沈氏王伯極妻提學僉事紹慶女伯極爲運使三接子早  
死無嗣氏慟哭喪殮外絕不問生產後三接授以千金  
給日用氏泣曰寡媳挾重貲適誨盜而賈禍耳謝去之  
獨身閉一室中令兩嫗通飲食年七十五卒

王氏孫元錫妾元錫妻生子敷私其婢周末幾敷歿周遺  
腹生子培元錫孫之逾歲元錫卒氏撫培而婦周以長  
育教訓爲事培年漸長將爲之聘婦鄰舍失火倉皇失  
之念無可爲繼者抑鬱死

諸氏曹鑑妻鑑死鑑祖治道撫之完節附見張大復所撰  
治道傳

王氏姜渭枝妻年十九夫亡遺孤士毅甫晬內外無依欲  
支殉死鄰嫗力解卒撫孤成立士毅中年歿更撫孫國佐  
十四爲諸生泰昌元年旌

王氏諸生張定安繼妻居安亭二十而寡教子婁孫成立  
全守節五十餘年天啟二年旌

沈氏太常夏景五世孫有璠字存所妻年二十七夫亡家  
壁立子二皆在抱繼姑俞不能容氏告歸父家劉針紵  
統資其子得竟學及長攜二孤歸事舅姑時舅已老生  
養死葬皆出氏十指問會歲荒自食糟糠而手甘膳進  
姑姑乃大悔後姑病痺氏年七十六猶手姑穢親滌之  
太常墓樹爲墨吏所伐慨然曰婦人力不能止然墓豈  
可無樹乎積女紅復植千株卒年七十八天啟四年旌

徐氏監生周汝夔妻嘉定尚書學謨女年十八夫亡誓死  
姑劉泣諭乃撫孤嚴課之姑歿喪葬如禮自奉儉薄有  
貧家婦所不能堪者守節四十六年天啟四年旌

唐氏虞錦妻錦字子中邑諸生未冠負雋聲試輒不利以  
鬱死氏撫孤清自課之清年二十補諸生清生二子應  
昌應隆而天氏復課其孫清妻楊節行一如氏姑媳相  
依穆如也卒年八十三

全氏一作金誤陸明孝妻年二十七寡家貧子幼親黨勸改適  
一夕自縊鄰媪聞二孤啼甚久排戶急救乃活紡織撫  
孤終其身天啟五年巡按旌其門

支氏監生王甘節妻贈僉都御史良知女甘節病瘵死氏

年二十七撫六歲孤家柱局處小樓紡績自給家柱為

州學生早死又撫其孫年七十七卒天啟七年旌

諸氏庠生徐應時妻甯津令邦正孫女應時死子永光方  
六歲諸子女皆幼氏辛勤撫育俾皆成立生平不御綺  
紈不登綵筵不呵嘗僮婢崇禎元年孫開禧成進士請  
於朝得旌七年開禧以行取入詞林氏猶及見之即於  
是年卒年七十八

顧氏王志周妻少保鼎臣元孫震憲女年二十七夫亡無  
子家貧辟績營生養其舅者十五年養其姑者二十五  
年歿而經紀其喪年六十五卒

魏氏庠生王協嘉妻年二十八寡姑病背疽口吮患處得

痊旋病癱氏奉起居三年必手滌踰穢家貧率幼女以針指營葬事苦節三十年崇禎三年十二年子煥如赴闕

陳請立祠

顧氏庠生戴褒妻鄉貢士德清女年二十一而寡孝養所

尊撫誨藐孤苦節三十餘年崇禎四年子元祚刺血書

狀哭呈臺使得題旌元祚後殉乙酉之難

張氏何瑜枝妻都給事棟女棟官京師贅瑜枝於邸甫閱

月瑜枝病瘵死氏欲殉棟曰殉固當如我與舅姑何氏

乃毀瘠持喪返葬何氏墓及棟歸氏歸依其母仍修婦

禮於舅姑姑王每受其餉輒淚下舅歿氏洗橐以佐伯

氏琪枝守節五十六年年七十三卒崇禎五年

蘇氏任鳳鳴妻年二十七夫死遺孤五歲家赤貧事舅姑

撫孤子皆取給於織紝舅姑歿喪葬備極艱辛卒年五

十四崇禎五年郡守

張氏曹文明妻崇禎

李氏吳之望妻及妾李氏崇禎

趙氏高紹金妻年二十九夫亡五子俱幼矢志不貳習勞

紡績課子俱成立苦節四十七年縣令萬曰

黃氏一作王誤汪國正妻年十七嫁二十七寡撫子光裕成立

娶吳氏生子文元嘉元而光裕賈於楚溺死氏復撫其

孫吳年二十五其節孝與氏同歸莊為立傳

包氏章胥鏡妻年二十八夫亡子浚甫三歲家貧辛勤操

作糟糠不厭撫孤成立卒年六十二

知縣萬曰吉旌其門曰華門完節

陳氏呂成性妻年二十四寡家貧織紝自給撫孤見其成

立崇禎十二年御史題旌

范氏王時妻諸生振女年十九嫁夫有癩疾氏奉湯藥惟

謹年餘夫卒氏雖凍餒或助之拒不受至老里嫗未嘗

見其笑容縣旌曰節同金石

吳氏顧惟翰妻太倉人惟翰家徒壁立病死氏年三十有

子五其少者遺腹生也熒熒無倚或諷改節氏曰吾弗

為禽獸之行後子皆成立年七十卒縣旌曰苦節可風

趙氏管大年妻年二十寡生子方踰月勤紡織撫子成立

子死又撫其孫年七十三卒縣旌曰姆儀貞範

張氏鄭子方妻諸生順素女未嫁時夫病將不起氏聞而

泣矢志無二父母義而嫁之凡十三日夫亡苦守四十

二年而卒縣旌曰冰心玉節

張氏朱國鼎妻即鄭子方妻妹年二十六寡遺二孤家徒

壁立守節三十八年卒縣旌曰苦年畫荻

衛氏陶性友妻初議婚時陶隱其年之長且病娶半年死

氏自縊數四姑力止之事姑甚孝姑病哽氏晝夜不寐

雖涕洟必手拭而口吮之姑歿撫叔之子為子性嚴重

雖蓬戶未嘗令人見面有疾不就醫經歲一省親輒返

素未識字守節後頗省儒釋諸書句讀年六十四卒縣旌

曰節義性成

唐氏姚起虞妻起虞力學不遇嘔血死氏年二十七無子

奉養舅姑拮据三十年年六十九卒 邑令萬曰吉旌曰代夫繼孝

張氏陳墓鎮陸湘卿名世錡妻知州魯傳女年二十二世

錡卒氏事夫生母兼撫孤女足不踰閭閱五年夢世錡

抱一兒來曰是為吾子且而伯姒生男舅命為嗣氏撫

之成立即庠生祚興也乙酉秋生母龔歿具禮殮焉呼

祚興曰吾可下見而父矣年五十六卒

郁氏周存恆妻年二十夫亡存恆故姓王繼於周病亟周

姓之黠者令氏別居欲存恆殯王氏墓氏攜孤縮寢地

而陳靈几如是者十年終依王氏辟績以活盲姑積三

十年所餘翁姑與夫乃克葬卒年七十三

馮氏陳生妻家千墩年十九夫亡生子甫三月忍饑操作

撫孤炤成立為諸生未幾炤死苦節六十一年卒

龔氏陳志德妻未婚而志德病瘵遣謝龔翁翁欲諾而氏

不可卒嫁之閱八月志德死氏孕矣數謀自盡姑覺之

與同寢處乃止生子逢生年六十卒

汪氏許承喆妻承喆死遺腹生慕吉家貧紉綴紡緝與婢

均勞苦已而姑病氏左右萬端竟不起乃日坐卧小樓

課慕吉績學為諸生年五十二卒

周氏陳允恭妻年二十九夫亡守節四十餘年里嫗無識

面者年七十子如斗欲以狀聞氏泣止之乃不敢言

孟氏周汝蕙妻年十七嫁時汝蕙出後叔鳳來姑趙嚴刻

難事氏委曲得姑歡後以所繼非序歸宗又事姑劉劉安焉汝蕙死無子本生兄弟以汝蕙曾出繼議產不及氏趙姑以汝蕙既歸宗亦不分產氏抱七歲孤女薪水不繼然事兩姑益謹問饋無缺如是二十五年始置嗣梁氏庠生徐登瀛妻年二十三而寡遺孤白采僅三歲姑孫病疽劇氏日夜禱願以身代疽忽自消姑歿會徙宅奉柩入新居隣火逼氏呼號奔救忽反風人稱孝感氏叔謀嫁之氏聞持刀自刎血流至足婢驚救得不死苦節五十年崇禎間巡方祁彪佳題旌鼎革時白采殉難妻諸氏亦苦節四十餘年人稱姑媳雙節云

陳氏沈堯收妻

徐氏朱察妻

以上二氏係前明旌表  
耐入五貞祠未詳事實

吳氏諸生顧廷輔妻二十九歲而寡盛年色艾族人欲奪

其志氏提刀自斃其面守節終身

俞氏歸紹唐妻年二十六夫卒慟哭幾絕勉撫二孤事舅

姑劑所欲以進姑憐之務為好語謝姑弗令姑知不足

也舅姑卒喪葬皆出十指更銖積薄產以遺二孤焉

范氏孫世昌妻年十八嫁二十四夫亡孝養翁姑取給十

指姑病篤割左臂肉煎湯以進立愈

崇禎十五年旌

周氏陳誥妻家甫里誥病卒索逋盈門氏勤女紅支應誥

有妹適李漢漢患風痺婚不逾年卒房產星散栖身兄

家兄死與嫂同居志操如一時稱姑嫂雙節

汪氏許舜忠妻朱氏徐叔行妻朱氏曹秉鑑妻葛氏周迴妻與孟氏周汝蕙妻皆興賢里人同里張大復筆談謂皆白甌自保冰玉雙清者也

李氏庠生王三省妻家甫里年三十寡遺腹生男撫孤奉親紡績長齋守節四十餘年卒

陳氏庠生沈德綱妻翫浦人德綱死子又殤翁姑以氏年少令改適氏誓必死乃營葬德綱穿雙壙氏始安翁病手足痺吐音不可曉氏察翁意十得九張大復有傳

周氏陶光之妻吳橋人嫁三載夫亡守節經歷寇難奉姑奔避亂稍靖鄰屋俱毀氏獨完蓋寇素欽節孝預戢其黨也年八十五卒墓與陶之方節母相接稱雙節墓

黃氏陶慄妾年二十四夫亡撫遺腹子綱以節孝著

陳氏陶晉妻年二十三晉卒無子守節年七十餘卒

陸氏陶子艇妻夫亡守節與子舸妻方節母後先著稱

顧氏吳橋周惟垣妻偃師令允杰次女夫亡氏年二十四

勵志守節年六十三卒

御史旌曰  
孀閭遺範

繆氏吳橋周維封妻年二十四夫亡誓死不嫁撫姪鐸爲

後訓誨成立得餼於庠氏年八十一卒

湯氏陳經公妻家千墩年二十寡家貧誓死不二遺腹生

子保護艱辛氏年五十九子先亡竟以憂憤卒

盛氏戴霖妻生子應臣五歲更娠霖邁危疾與氏訣曰親

老子幼何所遺而能守氏嚙指自誓鄰媪曰親老析著

盡甌脫不滿十奈何氏復嚙一指霖遂瞑及期生子名  
孝歲大履糠粃弗續或勸鬻產以易饘粥氏慟曰二孤  
皆幸知耕作所恃報我夫於地下者先人之產何可棄  
哉年八十三卒

薛氏沈堯薦妻六歲失恃依外祖母以長年十九嫁二十  
寡家赤貧一子甫期熒熒母子露處宵啼有從母嫁晉  
氏者收卹之晝夜縫績影不踰幃凡二十年其子稍能  
授徒又數年迎母歸已病孿子亦尋痿氏惟安命而已

張氏王成文妻年二十八寡翁令改醮氏堅守至老  
諸氏陸之才母守節撫孤年九十卒王如潛有詩美之

徐氏某妻壽女早寡守節八十年安節先生龔詡之配其

女弟也

謂有詩云一從夫死誓終天甘守貧寒八十年  
孤燈識清夢惟憑獨鶴傳如此  
正宜為世表不蒙旌異為無錢

茅氏夏都妻

徐氏妙延余華妻

宋氏邢某妻

國朝 已旌

○曹氏庠生陳言先妻太倉舉人訥女言先幼有雋才為  
訥器愛氏涉經史識大義年二十四言先卒撫遺孤留  
讀書遊庠舅岳如為冀州守以盜案受誣迨辯明而費  
不貲氏悉出奩資助之既而補任歸德時際變亂又出  
多金走豫中代疏乞休晚年家貧敝衣蔬食無悔年五  
十四卒 康熙 初旌

○潘氏太僕卿徐應聘次子永美妻上海工部尚書季馴



孫女年二十九而寡教二孤慎擇師友有非禮立加誚讓性喜施子有稱貸及鬻僮婢不能償者輒焚其券卒於崇禎癸未年五十五以孫乾學等貴累贈太夫人

○孫氏吳元鳳妻年二十八寡無子守節三十八年

○陸氏郁懋賢妻年二十七夫亡養翁姑撫嗣子守節四十四年

○葛氏監生朱復新妻年十九寡孝事其姑營葬三世棺柩教育子姓五代一堂壽終九十一歲

○曹氏陳兆甯妻年二十四寡未幾翁用極北使殉難姑繼歿家貧苦志撫幼叔雄畧成武進士以姪朝旭為嗣知府高倬旌日忠門苦節卒年六十三右俱康熙十八年旌

○支氏鄭玉珮妻生子數政九歲玉珮亡氏事姑撫孤禦窮禦侮以一身肩之更九年娶媳葉氏生孫隆祥而敷

政殲葉與姑同志姑荼終身夫亡時年俱二十餘守節各歷四十餘年康熙二十一年姑婦並旌

○周氏王同欽妻夫亡無子舅又歿田屋悉售去迎姑養於母家寒夜姑擁爐臥失火焚其居氏奮身抱姑出體髮皆焦即其地結茅侍養與同臥起以至於終康熙二十三年

旌周故無家里黨以周本姓朱為恭靖五世孫女因樹坊恭靖祠旁

○徐氏禮部儒士鄭嗣昌妻年二十七寡撫孤守節康熙二十四年旌五貞祠

○馮氏張大業妻年二十八寡孤天祐方六歲順治乙酉

兵燹後歲又履氏誓死不二舅姑卽世族衰無可依氏  
十指戰塚爲營葬地守節三十二年卒制府阿  
奏旌

○李氏貢生葉潛妻編修允昌孫女貢生叔幽女二十一  
歲夫亡守節四十年卒康熙二十  
五年旌

○朱氏廩生顧升明字公蓋妻升明遭國變嘔血死遺孤  
需誠八歲氏年二十五投繯者三眾勉以立孤乃止姑  
病顛天求代卒年五十六參政盧紘撰傳康熙二十  
六年旌

○徐氏庠生李邦靖妻尙書乾學女年二十一寡撫嗣子  
震宗延師訓誨登賢書年七十四卒康熙四十  
三年旌

○劉氏金來鵬妻青年守節以已姪澤乾幼失怙恃撫育  
之俾成立澤乾爲請於朝建坊旌之

○陳氏王國璋妻 潘氏舉人顧晉瑛妻 浦氏監生徐

永妻 潘氏方修緒妻 許氏盛雲路妻 張氏王思  
友妻 鈕氏沈際飛繼妻 王氏秦君選妻 潘氏夏

國祚妻右俱康  
熙年旌

○楊氏錢錫圭妻中年守寡茹荼飲藥苦節歷五十餘年  
康熙初恭遇 覃恩賜粟帛歿於康熙丁亥年壽登八

十有二

○沈氏朱來震妻庠生在新女嫁二載寡撫孤吳德成立

○江氏浦大良妻

○沈氏庠生龔際飛妻年十八適際飛家貧授徒自給氏  
龜勉供薪水凡十年際飛歿遺子女各一撫孤守節時

土寇竊發翁姑各逃竄氏攜子女匿積屍間得免翁欲  
嫁之執不可乃賃別居積資治婚嫁并葬夫及翁姑卒

年六十 右俱雍正元年旌

○王氏李宗頤妻 徐氏監生葉肇起妻 陳氏徐鍾麟

妻 李氏葉如清妻 右俱雍正二年旌

○吳氏郡庠生張墜妻家張巷年二十五夫亡屏去華飾

孝養舅姑撫嗣子秉鑑恩義兼至孀居三十餘年卒

○陳氏陸宏業妻 朱氏姜廷輔妻 右俱雍正三年旌

○盛氏秦宓妻 雍正五年旌

○柴氏庠生許元璋妻 王氏許孝穎繼妻 陸氏庠生

許南金妻 楊氏董振楣妻 右俱雍正六年旌

○李氏王成易妻二十九歲寡守節四十一年年七十一

卒 知縣董正位給匾曰操婉霜筠 朱氏夏乾德妻 何氏吳申妻

李氏陸睿侯妻 右俱雍正八年旌

○顧氏陶秀卿妻家向明澱年二十四寡家貧撫二孤成

立事舅姑養葬盡禮苦節四十三年

○沈氏監生潘昱妻 右俱雍正九年旌

○錢氏庠生陳璜妻年二十二夫亡撫姪繼緒為嗣成諸

生以紡績供舅姑甘旨苦節四十餘年

○王氏張惠卿妻夫亡舅姑歿教育子女苦守四十餘年

○趙氏庠生龔灝妻夫亡守志奉姑撫孤夫弟淇及妻皆

歿遺三女皆氏教育長成具奩嫁之

顧氏金元調妻夫死遺子女五人翁姑相繼歿殯葬撫養鄉里稱之

○蕭氏徐日榮妻夫亡撫姪九經爲子苦守四十五年

○江氏潘仲翔一作祥妻年二十七寡遺孤隆祖甫二歲以撫以教俾成立自持門戶宗族賴之

○朱氏徐仁生妻嫁時惟祖姑蕭在堂氏事之盡禮夫死自經以救免撫姪允賢爲嗣

○沈氏庠生陳汝旭妻夫亡守志葬翁姑撫孤子國棟成立嫁二女人稱其賢右俱雍正十年旌

○吳氏葉均祿妻嫁一載夫亡終身飲泣目爲之眚

○王氏曹宗鐸妻二十九歲寡卒年八十二徐葆光撰傳

○顧氏周宜生妻年二十五夫亡守節至六十二歲卒

○龔氏顧佩玉妻右俱雍正十一年旌

○顧氏陳振新妻年二十二寡撫兩孤俱早喪又撫一孫成立守節三十七年 王氏庠生張源湄妻右俱雍正十二年旌

○蘇氏朱倩玉妾家新涇嫁三載夫亡苦志堅守織紵自給訓孤成立年六十六卒

○張氏孫有馮妻年二十三寡家無恆產繼姑性卞急事之能得其歡遺孤又歿終始伶仃守節五十三年

○沈氏府庠生陳繼緒妻年二十六夫亡敬事孀姑錢氏教育遺孤疇成立遊庠營葬翁及夫以勞瘁卒

○周氏庠生王元遵妻 顧氏費志遜妻 顧氏楊敘銓

妻 黃氏宋養涓妻 右俱雍正十三年旌

○張氏朱榮妻居陳墓嫁七年而寡敬事衰翁翁歿喪葬必盡誠撫二子樂英棠皆成立守節四十六年

○包氏大墅許良初妻未三旬夫卒撫孤守節以終

○陳氏千墩唐雲瞻妻年二十二夫亡孝事其姑苦節至老 闕氏顧絳安妻 周氏朱循良妻 胡氏顧調士

妻 姚氏朱堯年妻 薛氏蔣元昕妻 陸氏蔡履恆

妻 杜氏王敬臣妻 姜氏周文愷妻 右俱乾隆元年旌

○顧氏庠生王為綸妻二十六歲寡門寒屬盡氏依父居父業磨腐屋僅三楹而鄰比不聞氏聲不識氏面

○王氏李方培妻家尚明澱年二十一寡矢志守節居七

年夫弟生子藩周氏撫為子督課之為諸生舅歿後同

寢姑室有盜夜入以身蔽姑盜擊之不為動乃捨去李

氏多賢婦氏之伯姑陶妣馮娣梅皆早寡終身守節

○葛氏廩貢徐與華子奕恕妻零陵知縣匡世撫女年二

十四夫亡守節三十年 李氏程瑞侯妻 陳氏諸宗

認妻 陳氏陸維祺妻 陸氏洪懋孝妻 符氏龔元

善妻 吳氏鄭振民妻 方氏趙廷璋妻 張氏刑部

主事朱而錡繼妻 徐氏王仁山妻 周氏王亮疇妻

又李氏妾 右俱乾隆二年旌

○張氏明布政夏萬亨次子日熙字賓敬妻少失怙恃萬亨養為日熙婦年十七婚逾年生子日熙病篤執氏手

勉以立孤尋卒姑顧攜至萬亨官署未幾金寇迫建昌  
寡嫂陸死於河姑死於瓊花井氏嚙指血書壁曰夏恭  
人死此提孤兒走荒墓間既免萬亨出顧於井而火之  
氏奉骸骨東奔從舊帥郜國本乞舟坐臥挾姑骨舟人  
以為嫌氏正色曰江神不仇忠義孝婦不畏風波遂達  
京口兵阻氏挺身言曰我郜將軍家屬令我會師嶺上  
不可後期營將給以箭得抵崑山家已毀卒撫孤子成  
立從兄立昌有傳

○徐氏趙秉恕妻婚二月而夫卒氏年二十痛自刻厲誓  
不二志居一樓窗樞戶隙俱實以釘糊以紙人罕見其  
面守節四十餘年

○孫氏庠生張子燮繼妻嫁不三年子燮死撫嗣子坦遊

庠食餼營葬棺柩心力俱殫前室之母孀居家貧無子

氏迎養敬事之人以為難由元和縣題旌諸氏徐世涵妻

施氏黃茂才妻周氏秦夢龍妻吳氏秦綸妻凌

氏羅俊卿妻陸氏龔瑞先妻徐氏庠生孫鳴玉妻

孫氏明海南道顧瑩妻余氏庠生徐顧榮妻唐氏

龔柏年妻右俱乾隆三年旌

○王氏甫里陳聖言妻年二十一夫亡守節三十餘年

○俞氏浦正國妻家蕭巷二十五歲寡撫子承宗成立

○陳氏錢翰妻早歲孀居孝事繼姑撫孤楮成立遊庠

○趙氏顧復一繼妻夫亡氏年二十六苦節五十五年

○何氏千墩陳應進妻年二十六寡卒年七十九學使張元臣旌

日節孝流芳泉使祖業宏旌曰松貞玉潔

○湯氏甫里庠生錢涵妻夫故時氏年二十八孝事繼姑

營葬翁姑卒年六十六 陳氏夏世榮妻 湯氏金文

立妻 陸氏包南士妻 顧氏支神驥妻 邱氏周允

昭妻 屠氏顧中在妻 顧氏諸紹基妻 馬氏唐秉

淵妻 馬氏陸聖騏妻 徐氏顧爾瓚妻 陶氏庠生

姚舜年繼妻 姜氏顧爾球妻 吳氏庠生俞魁倫妻

右俱乾隆四年旌

○范氏龔廷璧妻嫁三載夫亡氏勤紡績孝養舅姑以終

○趙氏翁鶴九妻年二十二寡姑老子幼氏仰事俯育辛

苦備嘗壽七十六

○王氏朱三辰妻年二十七寡孤攀龍尚幼氏慟幾絕夫

兄德純無子氏以姑命定大宗嗣苦節五十餘年後攀

龍舉五子以次子歸本宗

○方氏千墩吳思明妻年二十八寡遺孤汝千汝松俱幼

氏撫育成立以苦節著

○葛氏貢生懷女青浦廩生諸原仁妻守苦節以終

○朱氏鄒玉全妻年二十四夫故事翁姑治喪葬無違禮

常衣麻經子婦或製新衣多卻不御年七十五卒

黃氏陸開芝妻 邱氏李世琪妻 吳氏顧上衡妻

陸氏陳博儒妻 朱氏李若曾妻 顧氏李天桓妻

晉氏陸潤芝妻 張氏王文恆妻 徐氏沈中立妻

徐氏朱仁輝妻 李氏庠生柴黃始妻 顧氏沈迴妻

右俱乾隆五年旌

○王氏孫唯一妻年二十四夫亡遺腹生子元伯撫之成立守節四十五年

○張氏沈希範妻年二十五寡遺腹子又殤守節五十年

○徐氏沈諧妻年二十三寡事舅姑奉養喪葬盡禮教子

丹詔為諸生

○顧氏沈荃林一作千齡妻年二十三寡守節至七十歲卒

○張氏潘璉妻年二十六夫故氏與妾陸氏矢志守節撫

孤延相備歷苦辛卒年七十陸氏卒年八十一

○邵氏楊全甫妻 張氏楊裕昆妻 顧氏庠生張桂發

妻 金氏王維周妻 葛氏王德修妻 朱氏顧震名

妻 戴氏姚永泉妻 羅氏馬天成妻 嵇氏周紹臣

妻 金氏周似千妻 邢氏李乾治妻 王氏趙汝潤

妻 程氏張天申妻 周氏倪茂芝妻 黃氏沈天秩

妻 王氏庠生張鳳苞妻又余氏妾 右俱乾隆六年旌

○程氏張大鶴妻家千墩年十九夫亡屏絕鉛華終身不

踰闕守節三十年

○韓氏孫葵妻家千墩年十九而寡守節四十餘年

○沈氏庠生葛贍孫樂中妻庠生中立女年二十三寡守

節五十餘年 徐氏董學詩妻 鄭氏賈煥文妻 邴



氏包元鈞妻 朱氏王佳文妻 朱氏馬如圭妻 施

氏彭呂妻 馬氏周聖修妻 胡氏畢子美妻 金氏

程敘先妻 凌氏李永徵妻 徐氏職監馬鳴佩妻右

乾隆七年旌

○陳氏杜亦鶴妻年二十二嫁甫兩月夫亡孝事舅姑後立從子振甲為嗣撫育不異已出

○盛氏郁家堰沈文煜妻生子肇禹四歲而夫亡氏欲殉姑力諭乃止姑歿哀號不絕聞者淚下年六十四又周

氏沈文燦妻二十五歲寡徐氏文燦子元鼎妻蔡氏文燦姪洪學妻皆以早寡守節終惟盛氏得旌

○許氏任永錫妻年二十四而嫠事舅姑以婦道代子職

撫孤成立七十五歲卒 錢氏張近三妻 曹氏蔡升

伯妻 徐氏陳幽妻 張氏鍾迪哲妻 陸氏馮聖五

妻 陳氏王自甄妻 戴氏曾席珍妻

○周氏監生李璋妻譯事生廷炯女年十七歸李越九載而嫠訓子棟自少能文長而樂施敘職授江西廣信府

經歷氏卒年六十有三計守節三十七年同里龔燁立

節母傳右俱乾隆八年旌

○秦氏庠生葛宏中子麟妻二十六歲寡守節三十四年

○吳氏沈孟常妻夫死資紡織以仰事俯育戚里賢之

○龔氏千墩陳應達妻年二十四寡守節五十餘年泉使祖業

宏旌曰水心筠節

○張氏庠生徐景妻婚六年景病卒氏年二十二撫遺腹子成立苦守四十二年

○王氏千墩顧炯詩妻炯詩為明徵士炎武嗣曾孫婚六載而亡氏撫遺孤教督之辛勤紡織終其身 朱氏吳廷瑞妻 陸氏陸天琳妻 葛氏監生高式南妻 李

氏陳翼聖妻 張氏李雲章妻 黃氏職監徐德高妻 王氏庠生葛黼妾 右俱乾隆九年旌

○顧氏李天錫妻年二十六夫亡代夫盡子職里黨稱之 孫氏葛耀中妻二十歲寡守節三十年

○顧氏甫里吳器如妻年二十九寡茹苦終身 朱氏鄭元炯妻 陸氏鄭元焯妻 陳氏李懋初妻 右俱乾隆十年旌

○陳氏萊溪鎮李宗慈妻 乾隆十一年旌

○金氏安亭張培侯妻二十九歲寡守節三十七年 陸氏安亭唐芝蘭妻年二十寡撫孤守節 錢氏陸鳳來妻 顧氏監生陸暹繼妻 陸氏陳留妻 右俱乾隆十二年旌

○沈氏張允恭妻 湯氏朱國琳妻 徐氏鄒元亮妻 右俱乾隆十三年旌

○葉氏王來儀妻 俞氏王殿虹妻 右俱乾隆十四年旌

○王氏蔡嚴芳妻 宋氏蔡鼎士妻 右俱乾隆十五年旌

○陳氏唐茂功妻 茅氏趙心遠繼妻 右俱乾隆十七年旌

○王氏吳斐卿妻居吳家扇十九歲寡苦守以終 乾隆十八年旌

○葛氏李志修妻年十八夫亡守節終身 錢氏陸亮德

妻 右俱乾隆二十三年旌

○葛氏金陵賢妻 乾隆二十六年旌

○朱氏孔履德妻 乾隆二十七年旌

○卞氏王賓繼妻年二十七夫亡守節五十五年 錢氏

陸敬彩妻 右俱乾隆二十九年旌

○沈氏安亭孫朝棟妾二十七歲寡敬事嫡妻撫育稚子

卒年七十九 乾隆三十一年旌

○俞氏唐璇妻年二十八夫亡守節五十六年 乾隆三十二年旌

○沈氏少里村姚繼宗妻 乾隆三十五年旌

○王氏陳鶴聞妻 乾隆三十七年旌

○鄒氏顧文隆妻 乾隆四十年旌

○潘氏朱維椿繼妻年二十五夫病瘵死遺腹生一女撫

姪爾益為子喪葬翁姑咸盡禮守節五十八年

○葉氏監生朱爾益妻年二十二寡孝事孀姑播撫嗣子

東泉早歲補諸生有文名守節五十三年 右俱乾隆四十一年旌

○陳氏監生管兆鵬妻 乾隆四十二年旌

○李氏姚榮基妻 袁氏顧瑞山妻 右俱乾隆四十四年旌

○汪氏陳墓陸一圻妻年二十夫亡守節終身

○任氏府廩生曹球妻年二十九寡誓節撫孤孝事舅姑

○葉氏中書葛雲藹孫汝梅妻年二十四夫亡守節五十

五年 周氏庠生蔡鳳階妻 趙氏張習周妻 右俱乾隆四十五年旌

○施氏曹奎卓妻 乾隆四十六年旌

○金氏陳逸翰妻 乾隆四十九年旌

○沈氏陳墓李應傑妻年二十六寡撫姪為嗣以苦節終

乾隆五十年旌

○王氏陳銳妻年二十六夫亡守節三十年 乾隆五十二年旌

○胡氏庠生莊大奎妻年二十四夫亡守節卒年八十七

○孫氏監生楊器楨妻居葦葭浜年二十六夫故事姑育

子孝慈兼至苦節三十餘年 石俱乾隆五十四年旌

○吳氏布理問銜汪畋妻 乾隆五十九年旌

○沈氏顧國勳妻年二十五寡撫孤之振成立貧苦自勵

卒年五十五

○王氏趙元宰妻年二十七夫亡撫孤大經成立守節二

十九年 右俱嘉慶二年旌

○朱氏太學生王國華妻二十六歲夫卒事舅姑以孝聞

撫育遺孤學浩舉鄉薦嘉慶己卯夏旱邑令張鴻重母

節請其鏡祈雨雨即應自少至老雖戚族不輕相見年

九十二旌 嘉慶四年旌

○李氏監生譚器涵妻家葦葭浜年二十五夫亡撫嗣子

載華成立以苦節著 鄒氏湯潤妻 右俱嘉慶六年旌

○傅氏安亭王杏瞻妻 嘉慶八年旌

○范氏沈翼遵妻 嘉慶十年旌

○張氏楊湘涇李龜妻庠生建中女年二十五夫亡守節

事翁姑孝謹撫孤觀光成立遊庠卒年六十九

○朱氏監生孫之基妻年二十三寡六十一卒右俱嘉慶十一年旌

○林氏花園村吳世德妻甫嫁即寡撫姪為嗣守節三十

五年卒嘉慶十二年旌

○戴氏府庠生鄭學成妻 沈氏張元琛妻右俱嘉慶十三年旌

○褚氏吳國讓妻居吳家扇十九歲寡無子撫姪軼羣為

嗣守節五十餘年嘉慶十四年旌

○方氏庠生曹培繼妻嘉慶十七年旌

○葉氏監生朱業燦妻年二十八夫亡孝養繼姑撫兩孤

長傳奎次遺腹子傳均教育成立守節三十一年

○王氏朱紹武妻年二十八夫亡守節五十年右俱嘉慶廿二年旌

○徐氏楊器楫妾 王氏龔見田妻右俱嘉慶二十四年旌

○趙氏吳雲韶妻 陳氏張文學妻右俱嘉慶二十五年旌

○周氏重區二畝蕭步墀妻年二十二夫故撫嗣子承荃

成立年五十六旌

○朱氏職監莊文燭妻年十九夫故守節年五十三旌

○龔氏徐克明妻 孫氏曹春妻右俱道光元年旌

○孫氏庠生江鳳妻家萊葭浜年二十七寡守志不渝年

六十八旌

○李氏監生鍾國柄妻居尚明澗二十一歲嫁閱二十六

日夫亡誓死祖姑及姑勸止之撫嗣子濬成立年五十

一旌

袁氏珍區八岳陳思妻二十八歲夫故守節二十二年卒

王氏范南一妻家石浦年二十嫁閱八月夫亡撫嗣子廷宇既婚又歿撫孫成立道光元年卒年八十一

右俱三年旌

戴氏霜區九岳儒童陳雲臺繼妻二十七歲夫死守節

二十五年年五十三歲旌

李氏成區七岳蔣秉仁妻二十一歲夫故守節三十七

年年五十七歲旌

翁氏常熟大司寇叔元元孫女諸生建宇女捐職州同

王文銳繼妻年二十一夫死家貧苦守撫子學治成立

年六十旌

右俱道光四年旌

謝氏州同銜汪鳴盛繼妻 張氏州同銜汪廷爵繼妻

俱道光朝旌

李氏百總周道行妻結禱五月遠任漳州鼎革時道行

自刎於章平城北氏年二十三或勸再嫁氏曰人各有

志惟求無愧於地下耳素工詩嘗題梅花云香魂世外

裝誰識冰心苦任他風雪欺含酸能結果以守節終

徐氏廣信丞胡甲桂再繼妻無錫人崇禎末甲桂官廣

信生一子溶時甫四歲甲桂以屬氏父寅遂殉城死廣

信距蘇二千里所在殘破母子屢瀕於危久之始達崑

前室所出子媳及孫皆已死氏獨攜兒居故廬遭外侮

饘粥不繼既出險課子力學有文行年六十四卒

○陳氏蔡國用妻家尚明澗年二十七寡子天與方七歲破茅子處日坐敗甕績以爲食明季盜賊充斥每奔避必攜夫骸與俱撫孤成立苦節五十四年

○邵氏余良棟妻吳橋人年二十九寡遺孤二時兵荒間作湖寇竊發氏挈孤避難食嘗絕孤長延師訓誨氏紡織日以布易粟膳師及兩孤而自食糠粃底於成立苦節三十九年長洲韓莢爲之傳

○張氏錢塘令顧咸建長子震修繼妻布政魯唯從女年二十七夫卒撫孤子晉逃苦節四十七年

○李氏高某妻子柴女乙酉後子柴棄家歸釋氏甫十餘

歲母死家廢因歸高爲養媳善事姑既婚生一子及夫死姑歿遺產皆夫兄有之氏抱孤憊居飢寒交困或尤其夫兄氏正色曰彼自謀不給安能及我

○王氏何煥妻諸生維翰女乙酉城破維翰父子被執顧妻女曰勉之等死耳必也死忠義死節孝語畢死時氏尚幼慟絕者再母張氏救之甦年十七歸煥二十二煥亡家貧迎母孝養之及歿經營喪葬親黨有贈輒卻之曰吾寡婦義不當受也

○鄒氏吳昭妻嫁三載夫亡守節三十餘年康熙己丑卒

○任氏吳祥妻年二十五寡家貧無子守節四十餘年

○吳氏王引諒妻居曹禮浜夫亡遺四子甸中娶孫王觀

娶朱卜澗娶李戴公娶陸皆未及三十而寡惟王觀遺  
二孤餘俱無子同奉孀姑各守志終身人稱王氏五節  
○趙氏度城人年十六歸郡丞胡甲桂之姪深時踰年夫  
亡遺腹產文父母令改適氏聞自經以救免欲娶者訟  
之官官命成其志依母以居母不之卹氏紡績自給時  
以甘旨奉姑姑病歸侍湯藥營殯葬苦節四十年卒  
○錢氏吳國柱妻年二十四寡遺孤甫三歲值國變氏抱  
孤避兵蘆葦中歷三晝夜體爲蟲蛇所螫無完膚守節  
五十餘年卒孫其讓歲貢生

○周氏郡庠生皇甫夢驥妻家十五連明崇禎癸酉夢驥  
卒氏年二十七家貧厯荒亂撫二孤鑑鏡保護得全守

節四十一年至康熙甲寅卒夢驥有從妹一一適尤者  
斷臂矢志一適村者亦撫孤全節云

○陸氏朱初槐妻年二十七嫁甫三月槐卒事舅姑以孝  
聞奉佛終身邑人朱謹爲之傳

○葛氏提學僉事李可汧長子庠生遙功妻孝廉鼎女年  
二十四夫亡欲殉念夫不可無後因撫姪邦靖爲子邦  
靖甫受室又歿乃築舍天池旁焚修以老

○顧氏陳湛伯妻年十八嫁生一女而夫卒撫姪工求爲  
嗣布服糲食專事織紝兄弟嫡姪外未嘗見一人植節  
六十年年八十五卒

○王氏魏象旭妻期年而寡遺一女無子門單業罄氏堅



確自守曰盡吾心而已

○王氏庠生何岫妻年二十四寡撫遺孤裔登康熙丙午武科鄉薦卒年七十四

○葛氏吳橋庠生余麗誼妻孝廉窶女年十九嫁四載夫亡矢志苦守終其身檢討葉淳輓詩有六十一年苦節八十四歲完人之句

○徐氏汀州推官開遠女適永州守長洲許虬次子心巖早寡孝事舅姑撫姪爲子子又歿含辛抱痛終其身

○陳氏趙開美妻廩生伯時女年二十八夫亡奉姑陸及庶姑魯皆盡孝訓二子爲諸生家嘗被盜盜以刃儼氏魯挾戶奔救願以身代備述氏撫孤守節貧苦狀盜義

而兩釋之乙酉之亂邑中紛紛以讎殺爲事氏之鄰有一門被仇所殺將火其廬偵知爲氏逼鄰乃已其家僅存一孕媳氏周其衣食得免身存其祀卒年七十九徐與喬爲之傳

○范氏父振之夫某早卒氏日織一布循環自給所居之屋傾徙視家渡邑舉同善會呼谷以氏首列雪後往給作寡婦行以嘉勉之

○徐氏沈泰鼎妻年十八歸沈結禱之夕泰鼎驟死氏以節自誓事翁姑孝謹戚某諷改適氏叱之戚駭走終身不敢見年六十九將卒歎曰吾今乃成爲沈家婦矣

○周氏陸肇聖妻年二十九寡翁惑於後妻焚肇聖柩逼

氏改適氏誓死不從依父母以終里人欲為請旌堅卻之能詩有鴿音數百首

○陸氏楊汝球繼妻夫亡氏年二十六姑諭其改適即自縊以子逢吉救解養姑以孝聞撫前妻子徵吉有恩義

○朱氏徐雲生妻幼讀書能詩年十九嫁不三載夫死欲殉夫兄止之撫嗣子允賢成立一生苦節形諸篇什足不出閩者二十五年

○趙氏管玉輅妻年二十夫天矢死守節撫七月孤承考為娶辛氏生子始二歲復寡時辛年二十七辛欲殉氏勉以保孤遂閉門紡績教養成立氏守節五十五年辛守節三十五年

巡撫湯斌旌曰柏舟遺範

○周氏真義支世琪妻年二十八寡鼎革時避亂黃濱村

年荒赤貧氏績麻易米以養衰姑撫遺孤

巡撫湯斌旌曰柏舟遺範

康熙甲子卒壽七十八

○張氏馳贈兩浙運使葛墳妻五世孫錫璠有贊葛氏

周迴妻運使綸孫女吳氏李咸燾妻王氏祝大成

妻屈氏胡周玉妻陳氏鄭載朱妻陶氏陳觀民

妻王氏李時榮妻邵氏王舜一妻狄氏陳秉忠

妻

○吳氏諸生陳振字誰西妻結禱二載振卒撫姪為子食

貧勵志年五十四卒

○沈氏姜義文妻家甫里夫亡無子時年二十六孀姑方

亦守節氏紡績孝養與姑相憐卹實農家也

○胡氏楊豎嚴可嘉妻年十七寡撫成五月孤八十餘卒

○丁氏陳墓陸君萬繼妻年二十三而殘足不踰閩善事

姑撫嗣子暨二女恩義兼至卒年四十七

○章氏真義王立節妻郡守陳鵬年旌

○程氏真義許我嘉妻郡守汪德馨旌

○王氏戈龍妻家甫里龍高才苦學以病卒氏年三十守

節撫孤繼姑虐戾艱辛孝養子維藩娶張氏亦年三十

寡遺二孤俱幼張矢志撫育迄於成立

○韓氏陳巷吳价臣妻年二十夫亡家貧織布爲食或勸

之嫁氏斷一指血濺苧裙以示志卒年五十三

○包氏薛仁年妻年二十四寡無子姑病劇割股和湯以

進遂愈氏年七十五卒

○錢氏趙伯承妻居華翔里子世贊妻沈氏孫湘州妻許

氏曾孫廷宗妻刁氏廷槐妻刁氏元孫景純妻顧氏皆

青年守志完節終身凡五世節婦六人

○鄒氏諸生葉穎厚妻居調區十四畝年二十七孀居妾

王氏生遺孤琳愛若親生長爲郡庠生王氏感主母義

亦矢志不二鄒守節三十九年王守節三十四年

○周氏王雲燦妻二十四歲寡無子守節依其女以老

○俞氏趙性孚妻年二十五夫亡善事舅姑鞠育遺孤孤

卒復撫孫成立

○王氏陸用光妻嫁六年夫死一子五歲家貧失愛於姑氏委曲將順姑後轉愛之子長事氏亦孝

○葛氏崑岸生杜邠字素侯妻邠早世翁老不勝家事二孤在抱氏勞苦教養俾皆成立年七十六卒

○王氏孫德盛妻夫歿氏饜糠粃訓二幼孤成立

○陸氏蕭廷鎮妻夫卒無子遺二女幼氏斲去左手食指年六十八卒以節著

○歸氏繆起鳳妻結禱後勉夫力學以女紅資膏火閱五歲甫遊庠死氏長齋終身

○吉氏鄔吳澄妻二十四歲寡孤大任甫三歲閱十年氏卒大任已遊庠

○陳氏諸競如妻生二子年二十五夫及子三日內俱病死氏慟絕娣姒慰解之乃孝事舅姑祖姑祖姑病傷足

彳亍必憑氏姑病痢穢汚狼籍氏扶持洗刷無倦容

○孫氏胡廷俊妻邑令李開先給匾曰水節可風

○李氏王某妻邑令杭允佳給匾曰清風高節又孫氏金必祥妻給匾曰柏節松

年趙氏李某妻給匾曰孤貞自持皆真義人

○趙氏孫仲妻與女孫氏皆苦節居迎薰門外康熙辛未學使許汝霖邑令仇士俊並旌之

○趙氏夏維禧妻植節三十年撫側室子成立夏邑令青浦諸晉為立傳禧弟維祉妾王氏亦以節著

○湯氏夏文鳳繼妻年二十九夫亡紡織自給撫孤成立

○李氏夏天成妻年二十五寡家貧事翁撫子盡孝盡慈

○柴氏王榮侯妻夫亡家貧氏悲慟毀容苦節二十九年

○趙氏王榮妻性剛烈有節操守志五十餘年卒

○陳氏庠生葛修健妻年三十寡遺一女隆冬緝績每至

夜分或勸以少休氏曰夜不績明日何以事舅姑耶撫

嗣子復道亦甚有恩

○金氏庠生陸御龍妻二十四歲寡無子守節

○朱氏庠生王朱溥妻早寡誓守依其母以居

○吳氏俞翰臣妻夫亡遺腹生繩祖課督之未弱冠遊庠

姑病臂櫛洗食飲皆氏左右之喪葬俱盡禮

○徐氏顧泰交妻年二十三嫁閱八月夫卒氏奉孀姑辛

勤操作不缺於養撫嗣子亦成業

○顧氏周仲輿媳仲輿繪香火神為業子天所獲不能餽

口氏無子女誓不二志以女紅助養殮敬事仲輿至老

○朱氏陳墓金扶曦一作熙妻年三十而發家貧撫孤堅守

四十九年尙書海甯陳說旌之

○莊氏何公黃妻嫁五載而寡勵志自守訓二孤以義方

曰吾母而父也可少姑息乎家壁立摒擋拮据生計粗

立守節四十年

○朱氏沈閻叔妻夫亡氏年二十一無子守節五十四年

○吳氏陸予擥妾年二十寡苦節三十餘年

○胡氏陸予擥繼妻年二十八夫亡苦節終身

○顧氏真義周維城妻邑令金潮給匾 日月浣水心

○何氏張應台妻早歲夫亡無子守節至老有梅花 草堂詩

○許氏孫鴻烈妻年二十四寡撫孤成立學使張廷樞旌 日操並松筠

○顧氏松江陸大來妻大來贅於崑徙甫里早歲病亡氏

撫遺孤元鼎元魁鄰火延及氏攜孤呼救昇夫棺即營

葬苦節六十年卒里人許名崙馮承宗皆有詩紀之

○孫氏趙希天妻年二十五寡舅姑憐其貧無子女欲奪

之氏哭曰餓死事小失節事大或謂子女俱無何自苦

氏曰吾所守者節義子女非所計也守四十餘年卒

○邵氏楊希聖妻居楊家巷年二十五寡遺腹生子奕葉

長娶婦張方期而奕葉又死嚮誓珥為舅買妾踰年生

子宗祧不墜守節五十餘年

○何氏包滋警妻居律區八畝年二十四寡撫兩孤楷模

皆親教以經書守節四十餘年

○王氏彭我顯妻度城人年二十五夫亡守節四十年

○沈氏范君超妻居崑區十畝年二十五夫亡家貧無子

誓死不嫁守節四十年

○王氏邵可大妻年二十五寡遺腹生子唐長遊叟庠守

節三十六年

○楊氏王延妻年二十五延卒守節四十餘年

○支氏周巷烏達道妻年二十六寡守節五十一年

○周氏許公惠妻年二十四寡守節四十餘年

○趙氏魯席珍妻夫亡氏年二十六堅守四十餘年

○楊氏張立敬妻庠生石宗女夫早亡守節至六十餘歲

○姚氏庠生張立士妻夫早亡守節至六十九歲一子岫

娶王氏庠生仲祺女岫蚤歿亦以守節終立敬立士兄

弟也妯娌姑媳一門三節

○施氏張師侃妻原志止稱張价藩媳侃早夭氏守志依嗣子以居

遺貲蕩廢而氏不以飢寒易其操

○朱氏名重貞監生張咸繼妻太倉諸生國泰女幼讀史

喜觀節義事年十七歸張撫前妻子如已出距十年咸

卒族黨搆釁氏詣咸柩前斷一指自誓暈絕復甦子天

以姪嗣拮据營窳窳有悼亡詩十首為世悲愴

○韓氏張在公妻 黃氏僉事莊朝生妻 汪氏錢彬妻

顧氏徐與霖妻 邵氏顧二求妻 朱氏陸允石妻

許氏徐與磐妻 秦氏王迪慈妻 姚氏戴聖吉妻

錢氏盛翊廷妻 丁氏趙士侃妻 王氏張士芳妻

顧氏鍾紹宗妻 顧氏吳維藩妻 王氏李枝昌妻

采氏王柱國妻 夏氏徐周肇妻 平氏祝聖壽妻

顧氏朱天樞妻 湯氏朱汝宏妻 吳氏顧廷輔妻

陳氏朱聖德妻 陳氏李又仁妻

○許氏庠生鄭維聰妻年十九寡遺孤心方晬撫育成立

年七十三卒心妻王氏年二十九而寡事姑撫孤兩遭

回祿流離遷徙年八十三卒兩世皆以苦節著

○王氏葛鴻漸妻貢生用楫女夫亡遺二女氏肩戶操作苦營薄業為夫立後訓育二女雖至戚不得一見雍正甲寅卒年四十六

○周氏吳殿鳴妻生一女而寡紡績以養舅姑守節五十五年八十餘卒

○呂氏陳師望妻繹女年二十二寡事姑撫孤克盡孝慈年四十八卒 提學道趙崙給匾獎勵

○陳氏王起元妻住度城二十二歲夫亡苦守三十餘年  
○姜氏姜里顧起鳳妻年十八嫁七年而寡遺腹生子麟瑞守節五十餘年

○陸氏千墩趙枝芳妻年二十四夫亡苦守三十七年  
○王氏庠生吳繹妻康熙壬辰進士王淑京愛繹才以女妻之年十九結褵逾年繹病氏衣不解者六載繹卒兩子一女俱幼撫育盡瘁年四十八卒

○陶氏庠生顧敏求妻歲貢生澗第三女青年守節無以自存早夜紡績以餬口年六十餘卒

○陸氏庠生錢季舒妻季舒以墮水死時氏年二十六勤儉守節以終

○胡氏顧士崑妻年二十六寡遺腹生子又殤卒年八十

○顧氏錢祥九妻年二十三夫亡無子女守節四十年

○顧氏千墩鄭向巍妻夫卒氏年二十四依夫兄以居家貧紡績自給撫嗣子愛踰已出守節四十年



○張氏庠生孫佐妻年二十七寡撫孤守節三十七年

○朱氏任子和妻年二十夫亡家貧苦節四十五年

○楊氏曹錫祚妻年二十二寡守節六十三年又陸氏曹

錫瑚妻年二十九寡守節五十六年陳氏曹錫璉妻年

三十寡守節三十四年皆安亭人

○王氏甫里曹文生妻文生力學早卒氏年二十九事舅

姑撫遺孤得見次孫景植遊庠

○葛氏中允徐開禧孫廷誠妻太學雲藻女年二十四夫

亡雍正十年卒守節四十七年

○周氏李茂臣妻信義人督學張延璐給匾曰青松白玉子雲祥業賈孝

事其母母病嘗封股肉飲之愈終身諱言其事

○顧氏孝定先生朱用純弟用線妻明舉人咸受女用線

遵父兄教隱居孝友早卒氏苦志植節以終

○楊氏錢萬資妻 顧氏沈士孝妻

○顧氏廩貢生徐與華子奕憲妻庠生洪泰女年十九夫

亡撫嗣子在新守節至老

○史氏千墩沈文鼎妻年二十七寡家貧誓守八十三卒

○趙氏顧茂字妻年二十三寡事姑撫孤守節四十餘年

○孔氏周廷山妻年二十七夫亡孝養翁姑撫孤成立

○周氏吳橋馬十觀妻年十八嫁未一月寡卒年八十一

○周氏千墩黃以方妻年二十三夫亡苦守四十餘年

○徐氏何千藻妻 陳氏方啟祥妻 蔡氏張穎初妻

沈氏盛存俠妻 柴氏趙九成妻 顧氏朱蕙妻

李氏監生沈思泓妻 許氏管聖餘妻 顧氏趙旭妻

朱氏周右序妻 顧氏庠生王友元妻 周氏馬實妻

金氏張希和妻 薛氏陸學曾妻

○李氏張志學妻二十一歲夫亡守節撫嗣子綿生成立卒年七十二

○胡氏陸武績妻二十六歲夫亡撫孤鈞成立娶媳錢氏婚旬日寡姑媳織紵自給錢先卒氏守節三十餘年

○夏氏瞿大升妻二十二歲寡無子守節四十九年

○褚氏管岳仍妻年二十四寡撫孤事姑守節四十餘年

○程氏干墩謝德樺妻年二十五寡矢志苦守年七十六

○鄭氏干墩管奕山妻年二十一寡撫孤守志三十餘年

○莫氏陳應遴妻年二十三遶卒撫姪泊策爲嗣

○陸氏陳墓庠生張維藩妻年二十一寡守節三十四年

○陳氏陳墓王萬希妻年二十三寡守節至六十歲卒

○陳氏干墩庠生金德峻妻年二十九寡家貧守節終身

○費氏陳墓陸九皋妻年三十夫亡遺二女時妾張氏年十七生一子甫晬同誓守節家貧辛勤紡績以完婚嫁費年八十二張年七十三

○朱氏陳墓沈洪章妻年二十夫亡遺一女而殤事孀姑維謹姑歿歸依父居以女紅營葬舅姑里黨賢之

○顧氏陳墓陸傳經妻嫁四載夫亡守節至五十六歲卒

○李氏陳墓顧師陶妻年二十二寡家貧苦守六十餘年

○張氏秦志芳繼妻夫亡誓守官給匾曰節邁松筠

○劉氏賈景元妻夫亡撫子彥士為娶婦朱彥士天姑媳

相依至老督學開泰旌其雙節曰堅貞克嗣

○何氏殷濟元妻夫歿氏年二十二撫孤守節四十餘年

○孫氏陳治道妻撫孤守節垂三十年雍正初卒

○陳氏張希穆妻 褚氏管浴日妻 陳氏王孟芬妻

李氏王一民妻 鄭氏沈國泰妻 周氏庠生張密妻

孫氏徐大年妻 葉氏徐安流妻 李氏監生王維申

妻 陳氏孫經妻

○張氏尙書葉方藹季子副貢生湜妻湜早卒時氏年二

十三守節四十八年

○李氏庠生朱六韜妻年二十五夫亡守節三十一年

○顧氏新涇陳惠如妻年十九寡苦志守節遺一女撫遠

宗子公述為後公述能慰悅母志氏年八十二卒

○姚氏戴天麟妻家律區八畝年二十三寡力耕孝養其

姑訓子世華世良嗣業并教諸孫遊庠守節五十餘年

卒督學余正健旌曰水心筠節

○馬氏甫里庠生陳漢繼妻年十六歸陳六年而寡遺孤

又殤事翁姑盡誠守節三十年

○王氏甫里張建宗妻年二十六夫死撫姪禮為嗣守節

三十五年

- 吳氏吳橋余繡符繼妻年二十六寡守節五十一年
- 唐氏吳橋周重民妻嫁未三旬夫卒守節四十餘年
- 顧氏甫里錢九齡妻年二十九夫亡苦節十九年而卒
- 朱氏夏鴻聲妾年二十寡嫡妻逐之於外氏紡績自給  
歷數十年積白金百兩葬夫柩封嫡妻及已之壽穴於  
旁年將八十預知時至而卒
- 王氏周祖樹妻年二十七寡守四十六年乾隆辛巳卒
- 許氏甫里王明侯妻三十歲寡苦守五十餘年
- 王氏甫里張維熊妻年十九寡誓守至六十二歲卒
- 燕氏甫里周蔚才妻年三十夫亡守節至四十九歲卒
- 羅氏甫里馬鼎官妻二十五歲寡守節至五十歲卒

- 顧氏朱民懷妻年三十而接家貧子媳又亡撫遺腹孫  
成立又數年而卒
- 黃氏張亮臣妻居菘溪年二十一寡矢志撫孤堅守五  
十三年卒子友諒早世媳張氏亦苦守至老
- 朱氏顧文愷妻居菘溪之木瓜岸夫卒氏年二十五念  
翁姑老忍死侍養以叔子爲嗣卒年六十七
- 錢氏張奚甯妻早寡鄰少欲奪其志氏持刀拒之指屋  
旁井誓曰井泉不涸吾志不移雍正元年亢旱遠近井  
泉皆涸惟此井如故人謂節婦所感也
- 李氏陸舜元妻年二十八寡孝事舅姑撫孤成立守節  
至七十七歲卒

○陳氏周相官妻居安亭十九歲夫亡守節五十餘年

○任氏董聖熙妻家萊菔浜年三十夫亡撫姪廷佐為子

旋卒又以廷佐兄廷弼子正為孫教育成立為諸生學使

彭元瑞旌日玉山秉潔年八十一卒

○王氏安亭楊彩文妻年十九嫁未期夫亡守節五十七

年殿撰金德煥題額曰從容盡節

○陸氏陳祥麟妻居安亭二十九歲寡守節三十六年

○周氏張志遠妻年二十三寡遺孤四歲姑郝亦早寡氏

紡績以養間進肉輒舍子而奉姑終姑之身如一日

○凌氏夏允聰妻年二十餘寡籍緘指撫孤備嘗艱苦

○宣氏監生沈軾妾家安亭年二十九軾亡撫子成立九

十三歲卒

○趙氏甫里朱誠明妻年二十八夫亡守節三十四年

○周氏甫里陸惟康妻二十七歲夫亡守節以終

○孫氏安亭錢禮三妻二十七歲夫故家貧無子苦守四

十三年

○陳氏周萬榮妻居安亭二十二歲夫亡守志次女適姚

倫表倫表客死女年二十六亦以節著

○宋氏陸一堂妻年二十六夫死守節三十一年

○王氏陸三均妻年二十一寡撫嗣子宏鎮成立守節三

十二年

○李氏龔進璋妻年二十九寡守五十一年卒

○朱氏汪仕信妻年二十七寡家貧無子守節四十六年  
○王氏祝壽妻庠生維恆女年十九而贅撫姪學浩爲嗣  
事孀姑盡孝閱二十四年卒

○徐氏周鳴佩繼妻年二十一嫁未逾月而夫卒翁姑欲  
奪其志氏不可既而翁姑及小叔履鼎相繼歿氏貧無  
依親黨周之七十三歲卒

○馮氏千撒陸孝溶妻年二十八夫亡守節三十餘年  
○朱氏吳橋蘇灼妻年二十五寡苦守至六十餘歲卒

○姜氏徐成烈妻年二十六寡守節二十六年  
○朱氏錢西京妻年二十六寡守節三十七年

○韓氏馬里羅松林妻年十八夫故撫遺腹孤成立守節

二十九年

○王氏甫里鄒宏業妻二十九歲寡無子苦節三十年

○譚氏安亭任實生妻三十歲夫亡守節年八十四卒

○殷氏楊錫侯妻年三十寡長齋務農教次子莊業儒七  
十四歲卒

○顧氏葉仲芳妻夫亡苦志守節見徐凌雲撰  
葉仲芳記畧

○王氏陸元侯妻守節撫孤年六十餘卒督學彭元瑞給  
匾曰慈竹貞松

○周氏朱勳妻年二十六夫亡守節十八年卒

○蔡氏王憲妻年二十五夫亡守節三十七年

○朱氏錢潮繼妻年二十夫亡守節四十一年

○劉氏庠生李澹繼妻年二十九夫亡守節四十六年

○周氏朱芳妻舉人嗣發女年二十三寡守三十四年

○顧氏周昶妻年二十五夫亡守節二十八年

○李氏武生黃雲龍妻年二十八寡守節五十五年

○顧氏王若肅妻孝廉龜女年二十九寡守節十九年卒

○楊氏顧炯禮妻年二十六夫亡守節三十年

○楊氏庠生張倬妻家楊湘涇年二十八夫亡日夜紡績撫嗣子師膺成立守節三十七年

○陸氏李三壽妻家楊湘涇二十八歲寡無子有二女家貧依其壻以居苦節三十餘年

○王氏顧發生妻二十二歲夫亡守節三十年

○胡氏陳虞尊妻家袁葭洪虞尊墮水死時氏年二十七

赤貧無子遺幼女一兄松迎歸氏紡績自給葬夫嫁女備極辛勤守節五十五年

○顧氏周奕銓妻年二十九寡守節三十二年

○李氏陳景文妻年二十六夫亡撫子成立以勤儉起家

○張氏周紹濂妻年二十九夫亡事翁姑盡孝無子以姪為嗣守節二十九年

○李氏倪耀泉妻早寡與小姑五姐適盛者寡而無子相依以居並矢志守節翁文魁姑唐氏小叔德義一門俱長齋修善鄉里重之

○范氏沈子奇妾年二十七夫故撫孤苦守三十八年

○羅氏戴建成妻二十七歲寡撫孤苦守四十三年

程氏蕭玉符妻年二十四寡孝事翁姑苦節二十六年  
朱氏王禮賢妻年二十六寡撫姪合宜爲嗣壽七十二  
張氏王朝尊妻年三十夫亡撫孤成立守節三十四年  
周氏王大成妻年二十二寡無子守節三十餘年  
郁氏姚恆觀妻年二十四寡守節三十五年  
金氏羅任遠妻二十八歲守節終身  
沙氏陳奎觀妻二十四歲寡撫遺腹孤成立年五十六  
姚氏趙聖操妻二十九歲寡守節至七十三歲卒  
馬氏宋士達妻年二十六寡守節歷三十年  
顧氏劉端臣妻二十六歲寡撫姪爲嗣守節三十五年  
王氏馬達官妻年二十寡守節歷三十年

郁氏唐涇姚御六子某妻年二十五夫亡氏以貧病撫  
四歲孤念劬辛苦備嘗念劬稍長贅張浦趙逸民家爲  
壻就養其家媳年二十九而寡撫孤養姑並以節著  
瞿氏棲賢里徐應奎妻葉涇瞿彥碩女年二十八夫亡  
紡績以養舅姑撫一子鳳翔卒年七十三  
張氏父惠卿棲賢人爲蕭巷陳姓婦年二十九寡撫二  
歲孤勤苦三十年乾隆庚辰卒  
郭氏雙下涇人適棲賢張某早歲夫亡無子衣食不給  
矢志益堅乾隆丙戌槁餓死年五十  
秦氏益裕端妻當塗教諭向春女年十九嫁逾二載夫  
亡守節五十八年



傅氏沈茂芝妻茂芝本洞庭人遷居邑之徐公橋氏年二十九寡守節四十二年而終嘗於嚴冬篝燈夜織十指皴裂布成而誤被油污氏哭曰一家六口明日餒矣聲聞比鄰達旦鄰人以錢易之曰此節孝布也

○張氏吳謙妻家小石浦年十九夫亡貧苦矢志以壽終

○黃氏梁天英妻住棗溪之東街早寡守節三十餘年

○潘氏柏廷諤妻二十七歲夫亡撫子大成成立為諸生卒年六十一

○沈氏庠生式女儒童李耀文妻年二十二嫁逾四月夫亡事翁姑撫嗣子守節四十一年

○王氏監生潘從梁妻年二十四寡守節二十一年

○龔氏徐椿妻二十歲夫亡家貧茹苦紡績撫嗣子瑛成立守節三十五年

○范氏楊廷爵妻年二十六夫亡守節四十一年

任奈區一圖

○陳氏孫承祖妻二十五歲寡家貧苦節三十三年

○邵氏王耿明妻年二十五寡矢志紡織苦守終身

○吳氏郁獻中妻三十歲夫亡守節三十餘年

○楊氏傅錦文妻二十三夫亡守節六十一年

○劉氏楊天一妻三十歲寡守節三十餘年

○夏氏監生孫朝柄妻年二十夫死無子苦節三十餘年

○陳氏王朝宗妻二十四歲夫亡守節三十七年

○陸氏邵應元妻年三十寡無子守節四十年

○湯氏許文龍妻二十九歲寡善事翁姑苦守四十餘年

○錢氏王鈺妻年二十一寡撫孤誓守卒年六十餘

○朱氏葉元妻年三十夫亡撫孤守節至七十歲卒

○王氏生田人監生德隆女贅新平令浙江辜雲從子太

學生達九達九客死滇南氏年未三十家奇貧刻苦女

紅竟歸夫柩葬之撫遺孤藻成立蒙王姓遊庠守節三

十餘年編修范來宗嘗作節母序以美之

○李氏周士玫妻年二十八寡守節三十年嘉慶丙辰卒

○徐氏凌雲龍妻舉人裕焜幼女年二十夫亡家貧訓蒙

餬口撫嗣子又殤守節三十七年

○戴氏監生張仲和妻年二十七寡守節二十九年

○徐氏柴全璣妻年二十八夫亡順事翁姑培成一孤守

節二十九年

○葛氏庠生李克光妻年二十七寡守節四十年

○陳氏顧天益妻二十九歲寡守節五十三年

○趙氏黃師興妻年二十三夫亡守節三十三年

○朱氏王元璐妻年二十九寡守節二十九年

○方氏朱廷煥妻二十九歲夫亡近族無可繼有議以甥

為後者氏執不可乃撫同六世祖從子銓為子教之成

立事嗣姑顧本生姑俞曲盡孝道守節二十五年卒

○錢氏王格妻年十九夫故守節至八十九歲卒

○梁氏庠生朱周禮妻年二十八寡守節五十一年

○張氏監生吳清妻年二十九寡撫姪植教養成立

○沈氏馬元禎妻十八歲夫亡守節四十年

○畢氏張學禮繼妻夫卒時氏年甫二十苦節四十年

○陶氏陸允升妻早寡無子守節四十餘年

○金氏俞洞源妻年二十一寡撫孤苦守四十餘年

○彭氏瞿雲龍妻年三旬而寡撫孤守節三十餘年

○許氏舒禹亭妻年二十一寡撫孤事翁姑守節四十年

○邵氏龔履安繼妻年二十七寡守節三十二年

○陸氏何邦彥妻年十九夫亡守節六十三年

○顧氏朱秀南妻年二十五寡家貧以織簞度日撫孤成立守節三十五年

○王氏葛鏞妻年三十夫亡守節三十九年

○平氏黃錫疇妻年二十四夫亡守節五十年

○莊氏鄭國華妻年二十二夫亡守節五十三年

○劉氏孫翥妻年三十寡撫孤國光成立守節四十一年

○顧氏陳墓鎮陸鞏安妻年二十三寡守節三十三年

○秦氏朱煌妻年二十四夫亡守節四十三年

○葛氏李金詔妻年二十三夫亡守節四十八年

○姜氏王鳳妻年二十三夫死家貧孝事孀姑撫孤寶瑄成立孤先卒氏逾年亦歿年七十一

○席氏沈松年妻年二十二寡撫孤成立守節四十七年

○李氏顧曉芳妻年二十八夫亡守節五十四年

○顧氏朱禮妻年二十一寡守節四十餘年

○何氏文梅野繼妻年二十一寡守節三十年

○吳氏錢天祿妻三十歲夫亡撫孤成立守節五十餘年

○金氏莘涇朱容照妻甫婚即寡年二十三撫姪為嗣舅姑歿殯殮盡禮守節四十餘年

○徐氏金佩恆妻年二十四寡居貧苦守三十餘年

○陳氏監生任鈺妻庠生至道女家千墩二十九歲寡守節三十餘年

○沈氏凌御天妻年二十二夫亡守節三十餘年

○王氏陳尊五妻二十三歲寡守節五十四年

○鄭氏俞夢松妻年二十三歲寡守節二十八年

○傅氏徐應禎妻年十九夫亡守節四十五年

○曹氏謝健行妻年二十一夫亡家貧無子以紡績奉養翁姑守節三十四年

○唐氏廩生姜鵬程繼妻年三十夫亡守節四十七年

○梁氏庠生徐肇烈妻年二十七寡守節五十二年

○沈氏史文元妻年二十三夫亡守節四十四年

○陸氏王道隆繼妻年二十九夫亡守節二十六年

○徐氏蔡德成妻年十九嫁二十九夫死事寡姑撫子女五人辛勤備至家故貧值乾隆乙亥丙子間歲荒氏悉

嫁時所有易米麥以給老幼已則咽糠粃不令人知姑歿易所居老屋治喪葬苦節至六十三歲卒

○顧氏李芝觀妻年三十而寡家貧守四十餘年

○徐氏祁順園妻三十歲寡無子苦節自持以老

○顧氏張志千妻年二十七寡家貧無子撫一女嫁之遂

依女以終年九十卒

○傅氏蔣貞元妻三十歲夫亡撫二孤成立

○馮氏陸士傑妻早寡事翁姑撫遺腹孤守節四十八年

○陸氏蓬閩鎮鄒啟暘妻年二十一夫卒家貧撫遺孤辛

苦備至子孫籍得蕃衍壽至八十四歲梁陽任蘭枝題秉節壽母額

○傅氏吳君祥繼妻年二十五夫亡守節五十五年

○朱氏庠生錢海友妻家花園村早寡守節三十年又吳

氏錢某妻諸氏錢某妻俱守節終身

○朱氏陶橋王生妻二十一歲寡無子苦守五十餘年

○曹氏七家橋趙嘉禾妻年二十五夫亡遺孤五歲撫之

成立事舅能禮守節至八十歲卒

○陶氏顧周妻年二十五夫亡苦守四十三年

○瞿氏監生顧宋妾年二十四寡撫遺孤大盛成立補諸

生壽至八旬

○王氏趙陵馮允中繼妻十九歲寡守節五十餘年

○徐氏直涇許煌妻二十歲寡撫姪為嗣年五十卒

○錢氏任聖美妻二十九歲寡家貧撫孤守節壽七十五

○顧氏陳雲烈妻年二十八寡守節四十五年

○顧氏尚明澱勝綬萬妾年三十寡撫孤沛霖成立遊庠

○王氏陸載妾年二十三寡遺孤二長輔臣教育爲諸生  
次照遺腹生撫之成立守節四十三年

○金氏郁壽昌妻年二十九寡無子守節至六十七歲卒

○方氏顧錫泰繼妻三十歲寡撫前室子瑞清成立爲諸  
生年至八旬

○陳氏顧觀瀾妻二十六歲寡教子杠遊庠卒年五十七

○徐氏石偉生妻年二十二夫亡事姑願以孝著撫養小  
叔暨二姪俱成立卒年六十四

○張氏唐敬虞妻年二十二夫亡守節五十八年

○葛氏朱壽曾妻年二十四夫亡守節三十九年

○曹氏何樹績妻年二十八夫亡守節三十八年

○高氏張庶妻年二十六夫亡守節三十年

○陳氏周樹本妻年二十九夫亡守節二十二年

○袁氏監生陳思妻年二十八夫亡守節二十二年

○沈氏庠生柏廷琳妻年二十八夫亡守節二十四年

○王氏庠生葉鯤妻年二十九夫亡守節三十六年

○陳氏李承立妻二十六歲寡年五十四教諭崔應書給  
匾曰瑤池冰雪

○杜氏徐鍾妻年二十二夫亡家貧矢志堅確撫五月孤  
成立縣令陳夢蘭旌  
曰克貞苦節卒年八十二

○郝氏汪大木妻年二十四夫亡守節二十八年

○傅氏曹裕南妻年二十九夫亡敬事衰翁撫孤成立守  
節三十餘年

○衛氏監生傅仁基妻居安享年二十九夫亡守節六十年又馮氏傅宏基妻王氏傅天榮妻王氏傅忠妻錢氏傅俊望妻吳氏傅受生官妻皆早歲孀居誓守數十年  
○王氏許璜士繼妻年二十九夫卒撫遺孤二教次子壽爲諸生事姑克盡禮卒年六十一

○沈氏許壽基妻年二十六寡守節五十一年

○俞氏張滿許堯尊妻嫁不踰年而寡邊腹生子教養成立事舅姑克盡禮守節三十二年

○曾氏干墩陳士奇妻年三十寡無子苦節四十一年

○談氏陸九泉妻年二十八夫亡生一子承嗣長房敬事衰翁不怠苦守二十五年卒

○陸氏盛家埭陳德明妻年二十二寡守節三十四年

○於氏葉鶴鳴妻居劉家圩年二十五寡遺孤歿撫姪爲嗣守節四十六年

○瞿氏胡會生妻年二十八夫亡撫孤又歿守節至老

○陳氏王肇宗妻年二十七夫亡家貧苦守四十餘年

○曹氏王有美妻年二十八寡撫孤既長而歿苦節終身

○顧氏馬安邨周璞堂妻年二十夫亡守節三十年卒

○俞氏唐有學妻

○朱氏張九高妻居玉區十五歲二十七歲夫亡撫孤守節年七十二卒

○丁氏王秉銓妻太占女十九歲而寡撫遺腹子學廉成

立六十一歲卒學濂娶陳氏海修長女生子士模士楷  
學濂卒氏年二十九教育士楷成立遊庠卒年七十一  
兩世並以苦節著

○陸氏莊漢三妻年二十九夫亡苦守至七十一歲卒

○沈氏史天祥妻年二十五夫亡子鎬甫五月家貧翁病  
廢繼姑虐之鄰媪諷改適氏泣曰吾鍼術聊供粗糲不  
足願攜兒行乞以養因割面以見志姑聞虐愈甚氏惟  
飲泣忍受餽粥外積微羨納破甕中越七年翁歿罄以  
殯殮又數年姑亡亦如之鎬長業小裕猶習勤不輟鎬  
亦孝事其母終身

○邱氏何遂嘉妻家謝麓年二十六嫁閱十九月夫亡內

外無依食貧忍苦卒年七十一

○金氏龔龍德妻家金區二齒年二十六寡守節撫孤景

福成立年五十七卒

○徐氏張渭忠妻家金區六齒年二十寡遺腹生子德馨

撫養成立守節四十八年

○朱氏蔡汝鵬妻年二十六寡撫遺腹子宏業成立守節

五十八年

○莊氏戴堯光妻居奈區九齒年二十二夫亡無子苦節

三十九年

○趙氏雞鳴塘朱德三妻年二十八夫亡子幼翁以老貧  
逼改適不從翁乃密得許姓財聽眾劫以往氏即剪髮



投河救之起懼而送還旋有朱姓控於邑合費薄懲罰遂得全其志撫孤成立嘉慶壬申卒年六十三

○朱氏王大倫妻調區十四鬻人年二十二夫亡家貧翁強嫁之氏覓死抱兒悲啼絕食六晝夜其家違迫毀婚宗人王毓秀為代償聘賁氏得終身守志撫孤成立

○陳氏俞天桂妻二十四歲夫亡守節五十年

○沈氏張玉堂妻二十七歲寡撫孤守節至八十五歲卒

○周氏庠生吳櫟妻年二十六寡家貧以女紅自給撫孤陳紀遊庠食餼卒年五十六

○沈氏朱雄文妻年二十二寡守節至六十八歲卒

○朱氏府庠生沈曰松妻二十九歲寡卒年七十二

○唐氏陳智崇妻二十八歲寡守節二十六年卒

○張氏監生姚觀海妻家于墩二十七歲寡撫嗣子成立

守節三十三年

○王氏庠生陳岳繼妻早寡撫子成立督學彭元瑞題 柏節林風額

○龔氏胡一諤妻年二十二寡守節三十年

○朱氏胡慎旃妻年三十夫亡撫孤守節二十九年卒

○朱氏府庠生鄭有聲妻貢生樹籥女年三十寡遺孤三長澧為伯氏後次瀟幼之良教育遊庠卒年六十九

○徐氏顧雲翔妻居顧家庫年二十六夫卒守節撫孤至五十八歲卒

○陸氏顧湘妻年二十九夫死守節三十三年

○黃氏周爾思妻二十九歲寡守節至八十九歲卒

○劉氏范儀誠妻年二十六夫亡守節五十八年

○朱氏珠街鎮重珍女年二十贅份生俞鳳來婚甫兩月鳳來郡試嬰疾卒氏欲殉吞鍼及磁屑皆不死舅婺源令雲耕諄切慰諭作節孝歌以嘉勉焉歸守母家以鍼帚之入市甘鮮進舅久之夫兄葬其舅氏出女紅之積

營夫域卒年七十四訓導張興戴立傳表之拾額曰寒閨清懿

○俞氏庠生王有駭妻增生恩來女年二十六寡以節著

○徐氏菘葭鎮儒童譚璿妻年二十五夫死事舅姑持家政撫嗣子芬成立遊庠守節四十四年

○錢氏譚青華妻二十七歲夫亡守節三十一年

○楊氏國學生張季英第三子有敬妻有敬自幼失怙恃

贅於楊乾隆二十一年有敬病篤氏謹侍湯藥籲天求

代卒無效誓同殉父會東母方泣慰之乃止夫伯兄有

齡析居遷郡城仲兄有斐妻吳相繼亡遺子立成纔六

歲氏撫育為嗣母弟某不克保家覲張氏產輒謀傾陷

氏以子身拚擋中外調護防閑為嗣子從師讀書經營

婚娶艱苦歷數十年之久卒年八十有四計守節五十

七年同邑朱叔鴻撰傳

○顧氏王天麒妻二十五歲夫亡守節四十五年右俱前志未旌

道光朝補旌

○沈氏嚴端揆妻居重區二亩二十七歲夫亡孝事孀姑

撫孤鎬成立矢志苦守卒年九十一

○王氏庠生朱正陽妻年二十八夫亡守節三十餘年

○陸氏張煜妻年二十九夫亡矢志堅守

○蔡氏楊生周妻年二十五嫁未暮夫亡守節四十年

○陳氏張浦支鳳臺妻年二十九孀居孝養翁姑歿則喪葬盡禮撫孤登賢成立早逝又撫其孫

○任氏龔天節妻二十五歲夫亡家貧苦守

○周氏彭友三妻年十七嫁二十二寡事舅廷佐能盡誠撫四歲孤顯宗成立

○蔣氏姚士元妻二十八歲夫亡孝事衰翁撫嗣子成立

○殷氏張秀章妻二十六歲寡無子守節

○顧氏陳開仕妻住奈區十二箇二十三歲夫亡守節

○王氏張學仁妻居奈區八箇年二十一夫亡守節

○陳氏畢世榮妻年二十三夫亡守節

○曹氏盛恆一妻二十九歲寡撫孤耀宗成立

○范氏鄭丕譽妻允和女家石浦鎮二十三歲寡撫孤婚娶復殯所居屋以葬翁姑及夫

○王氏盛柱妻鏞曾女年二十三夫亡守節事舅姑暨喪葬悉如禮

○吳氏恩施令葛煒從子堃妻本石門人父太學生驥卒隨母徐至崑徐故武清丞德頤女依其舅以居年二十一二適堃越二年堃卒家貧姑老子鈕猶未及晬氏奉姑

撫孤晝夜紡績以給

○湯氏文星女經歷王毓璘妾年二十四夫亡撫孤守節  
卒年七十有一

○陳氏石浦葛啟源妻二十六歲夫亡苦志守節

○徐氏萬春女呂庭芳妻二十八歲夫亡苦志守節

○顧氏龔臨莊妻年十九夫亡守節至老

○徐氏王鳳鳴妻居磧磯村年二十二夫亡撫子成立

○徐氏莊大銓妻二十三歲寡甘貧守節

○姚氏李基田妻年二十七夫亡遺腹未生撫嗣子爲後

尋舉一子氏教育之不少異

邑令王青蓮給匾曰節熾松筠

○江氏監生張方垣妻年三十而寡撫子能鎮成立

○李氏朱振萬妻年二十九夫故誓守

○蔣氏南王村戴振銓妻二十九歲寡堅心砥節

○陸氏俞滿瀛妻年二十六夫故矢志守節

○方氏薛炳虎妻年二十三寡家貧苦守

○殷氏楊湘涇張飛翰妻年二十三寡撫遺腹子成立

○馬氏監生瑤章孫女孝子朱鳳元孫監生聯發繼妻年

二十二寡家貧誓守紡績自給撫前妻子允元成立

○陳氏陳墓陸澄懷妻二十歲嫁纔八日夫亡矢志守節

○周氏俞錦元妻年二十五而寡撫嗣子焯如成立遊庠

○黃氏徐寶信妻二十一歲寡無子苦守

右俱前志候旌道光朝補旌



